

**FONDI I NDËRHYRJES SË JASHTËZAKONSHME**  
**Pasqyrat Financiare më dhe për periudhën e mbyllur**  
**më 31 dhjetor 2018 dhe Raporti i Audituesit të Pavarur**

## **PËRMBAJTJA**

### **FAQE**

#### **RAPORTI I AUDITUESIT TË PAVARUR**

#### **PASQYRAT FINANCIARE:**

<b>PASQYRA E POZICIONIT FINANCIAR</b>	<b>4</b>
<b>PASQYRA E TË ARDHURAVE DHE SHPENZIMEVE DHE TË ARDHURAVE TË TJERA GJITHËPËRSHIRËSE</b>	<b>5</b>
<b>PASQYRA E FLUKSEVE TË MJETEVE MONETARE</b>	<b>6</b>
<b>PASQYRA E NDRYSHIMEVE NË AKTIVET NETO NË DISPOZICION TË AUTORITETIT TË NDËRHYRJES SË JASHTËZAKONSHME</b>	<b>7</b>
<b>SHËNIME SHPJEGUESE MBI PASQYRAT FINANCIARE</b>	<b>8-36</b>

## RAPORTI I AUDITUESIT TË PAVARUR

### Drejtuar Këshillit Drejtues të Fondit të Ndërhyrjes së Jashtëzakonshme

#### Raport mbi auditimin e pasqyrave financiare

##### Opinionit

Ne kemi audituar pasqyrat financiare të Fondit të Ndërhyrjes së Jashtëzakonshme ("Fondi"), të cilat përfshijnë pasqyrën e pozicionit financiar më 31 dhjetor 2018 dhe pasqyrën e të ardhurave dhe shpenzimeve dhe të ardhurave të tjera gjithëpërfshirëse, pasqyrën e ndryshimeve në fondin e sigurimit të depozitave dhe pasqyrën e flukseve të mjeteve monetare për vitin e mbyllur në këtë datë, si dhe një përmbledhje të politikave të rëndësishme të kontabilitetit dhe shënime të tjera shpjeguese.

Sipas opinionit tonë, pasqyrat financiare paraqesin në mënyrë të drejtë, në të gjitha aspektet materiale, pozicionin financiar të fondit më 31 dhjetor 2018 si dhe performancën e saj financiare dhe flukset e monetare për vitin e mbyllur në këtë datë, në përputhje me Standardet Ndërkombëtare të Raportimit Financiar ("SNRF-të").

##### Baza e Opinionit

Ne e kryem auditimin tonë në përputhje me Standardet Ndërkombëtare të Auditimit (SNA-të). Përgjegjësitë tona sipas këtyre standardeve janë përshkruar në paragrafin e emërtuar "Përgjegjësitë e audituesit për auditimin e pasqyrave financiare" të këtij raporti. Ne shprehim pavarësinë tonë nga Fondi në përputhje me Kodin e Etikës së Kontabilistëve Profesionistë i vendosur nga Bordi i Kontabilistëve për Standardet Ndërkombëtare të Etikës ("BKSNE") dhe me kërkesat etike të aplikueshme për auditimin e pasqyrave financiare në Shqipëri, si edhe, kemi përmbushur përgjegjësitë tona të tjera etike në përputhje me këto kërkesa.

Ne besojmë se evidenca e auditimit që kemi siguruar është e mjaftueshme dhe e përshtatshme për të mbështetur bazën për opinionin tonë të auditimit.

##### Informacione të tjera

Drejtimi është përgjegjës për informacionet e tjera. Informacionet e tjera përfshijnë informacionet që paraqiten në Raportin Vjetor, i përgatitur nga Drejtimi i Agjencisë së Sigurimit të Depozitave në përputhje me Ligjit Nr. 53/2014, datë 22 maj 2014 "Për sigurimin e depozitave", të ndryshuar. Raporti Vjetor pritet të na vihet në dispozicion pas datës së raportit tonë të auditimit. Opinioni ynë mbi pasqyrat financiare nuk mbulon informacionet e tjera dhe ne nuk shprehim konkluzione që japin siguri lidhur me këto informacione. Në lidhje me auditimin e pasqyrave financiare, ne kemi përgjegjësinë të lexojmë informacionet e tjera të identifikuar më sipër kur të na vihen në dispozicion dhe, të vlerësojmë nëse këto informacione kanë mospërputhje materiale me pasqyrat financiare apo me kuptueshmërinë që kemi marrë gjatë auditimit ose në rast se përmbajnë anomali materiale. Kur të lexojmë Raportin Vjetor, nëse ne arrijmë në përfundimin se këto informacione përmbajnë anomali materiale, atëherë, ne na kërkohet të raportojmë mbi këtë fakt palëve të ngarkuara me qeverisjen.

## **Përgjegjësitë e drejtimit dhe palëve të ngarkuara me qeverisjen për pasqyrat financiare**

Drejtimi është përgjegjës për përgatitjen dhe paraqitjen e drejtë të pasqyrave financiare në përputhje me SNRF-të, si edhe për sistemin e kontrollit të brendshëm, i cili në masën që përcaktohet nga drejtimi, është i nevojshëm për të bërë të mundur përgatitjen e pasqyrave financiare pa anomali materiale, si pasojë e mashtrimeve apo gabimeve.

Në përgatitjen e pasqyrave financiare, drejtimi është përgjegjës për vlerësimin e aftësisë së Fondit për të vazhduar aktivitetin e saj në bazë të parimit të vijimësisë, të paraqesë në shënimet shpjeguese, nëse është e aplikueshme, çështje që lidhen me vazhdimësinë e aktivitetit të Fondit, dhe të përdorë parimin e vijimësisë si bazë kontabile, përveç rastit kur drejtimi ka për qëllim të likuidojë aktivitetin, ose të ndërpresë operacionet, ose nuk ka asnjë alternativë tjetër reale, përveçse më lart.

Palët e ngarkuara me qeverisjen janë përgjegjëse për mbikëqyrjen e procesit të raportimit financiar të Fondit.

## **Përgjegjësia e audituesit për auditimin e pasqyrave financiare**

Objektivat tona janë që të arrijmë një siguri të arsyeshme lidhur me faktin nëse pasqyrat financiare në tërësi nuk kanë anomali materiale, për shkak të mashtrimit apo gabimeve, dhe të lëshojmë një raport auditimi që përfshin opinionin tonë. Siguria e arsyeshme është një siguri e nivelit të lartë, por nuk është një garanci që një auditim i kryer sipas SNA-ve do të identifikojë gjithmonë një anomali materiale kur ajo ekziston.

Anomali të mund të vijnë si rezultat i gabimit ose i mashtrimit dhe konsiderohen materiale nëse, individualisht ose të marra së bashku, pritet që në mënyrë të arsyeshme të influencojnë vendimet ekonomike të përdoruesve, të marra bazuar në këto pasqyra financiare.

Si pjesë e auditimit në përputhje me SNA-të, ne ushtrojmë gjykimin profesional dhe skepticizmin tonë profesional gjatë gjithë procesit së auditimit. Gjithashtu ne:

- Identifikojmë dhe vlerësojmë rrezikun e anomalive materiale në pasqyrat financiare, si pasojë e mashtrimeve apo gabimeve, planifikojmë dhe zbatojmë procedurat përkatëse në përgjigje të këtyre rreziqeve, si edhe marrim evidencë të njafueshme dhe të përshtatshme për të krijuar një bazë për opinionin tonë. Rreziku i mos zbulimit të një anomalie si pasojë e mashtrimit është më i lartë, se rreziku i moszbulimit të një anomalie si pasojë e gabimit, për shkak se, mashtrimi mund të përfshijë fshehje të informacionit, falsifikim të informacionit, përvetësime të qëllimshme, keqinterpretime, apo shkelje të kontrollit të brendshëm.
- Marrim një kuptueshmeri të atyre kontrolleve të brendshme të aplikueshme për procesin e auditimit me qëllim hartimin e procedurave të auditimit në përputhje me rrethanat, por jo për të shprehur një opinion mbi efektivitetin e kontrolleve të brendshme të Fondit.
- Vlerësojmë përshtatshmërinë e politikave kontabël të përdorura dhe arsyetueshmërinë, e çmuarjeve kontabël të kryera si edhe paraqitjen e shënimeve shpjeguese përkatëse të hartuara nga Drejtimi.
- Shprehemi në lidhje me përshtatshmërinë e parimit të vijimësisë të përdorur nga drejtimi, dhe bazuar në evidencat e marra gjatë auditimit, nëse një pasiguri materiale ekziston, atëherë mund të shkaktojë dyshime të rëndësishme mbi aftësinë e Fondit për të vazhduar në vijimësi. Në rast se ne arrijmë në konkluzionin që një pasiguri materiale ekziston, ne duhet të tërheqim vemendjen në raportin tonë të auditimit me referencë në shënimin shpjegues përkatës, ose, nëse shënimet shpjeguese nuk janë të përshtatshme, ne duhet të modifikojmë opinionin tonë. Përfundimet tona jepen mbi bazën e evidencës së auditimit të marrë deri më datën e raportit të auditimit. Megjithatë, ngjarjet ose kushtet në të ardhmen mund të shkaktojnë ndërpreje të aftësisë së Fondit për vazhduar në vijimësi.

**Përgjegjësia e audituesit për auditimin e Pasqyrave Financiare (vazhdim)**

- Vlerësojmë paraqitjen e përgjithshme, strukturën dhe përmbajtjen e pasqyrave financiare, duke përfshirë shënimet shpjeguese dhe nëse pasqyrat financiare prezantojnë transaksionet dhe ngjarjet thelbësore në një mënyrë që arrin prezantimin e drejtë.

Ne komunikojmë me personat të ngarkuar për qeverisjen e Fondit, përveçse çështjeve të tjera, edhe qëllimin dhe kohën e planifikuar të auditimit, gjetjet kryesore të auditimit, përfshirë çdo mangësi të rëndësishme në kontrollin e brendshëm që është identifikur gjatë auditimit tonë.

*Deloitte Audit Albania sh.p.k.*

Deloitte Audit Albania sh.p.k  
Rr. Elbasanit, Pallati poshtë Fakultetit Gjeologji - Miniera,  
Tiranë, Shqipëri  
Numri i identifikimit unik të subjektit (NUIS): L41709002H

**DELOITTE AUDIT ALBANIA**  
Ad. Rr. Elbasanit, Pll. nr 1, kt 2, poshte Fakultetit Gjeologji Miniera  
Tel: 044517920  
NIPT: L 41709002 H TIRANA - ALBANIA



Partner angazhimi  
Auditues Ligjor  
Enida Cara

Tiranë, Shqipëri  
28 shkurt 2019

**FONDI I NDËRHYRJES SË JASHTËZAKONSHME****Pasqyra e pozicionit financiar***(Të gjitha vlerat janë në Lek, përveç se kur shprehet ndryshe)*

	<b>Shënime</b>	<b>Më 31 dhjetor 2018</b>
<b>AKTIVET</b>		
Mjetet monetare dhe ekuivalentët e tyre	8	66,291,242
Investime të mbajtura për të mbledhur flukset e kontraktuara	9	571,698,800
<b>TOTALI I AKTIVEVE</b>		<b>637,990,042</b>
<b>DEYRIMET</b>		
Detyrime të tjera	10	1,314,609
<b>TOTALI I DETYRIMEVE</b>		<b>1,314,609</b>
<b>AKTIVET NETO NË DISPOZICION TË AUTORITETIT TË NDËRHYRJES SË JASHTËZAKONSHME</b>		
Totali i të ardhurave gjithëpërfshirëse për periudhën		636,675,433
<b>TOTALI AKTIVEVE NETO NË DISPOZICION TË AUTORITETIT TË NDËRHYRJES SË JASHTËZAKONSHME</b>		<b>636,675,433</b>
<b>TOTALI I DETYRIMEVE DHE I AKTIVEVE NË DISPOZICION TË AUTORITETIT TË NDËRHYRJES SË JASHTËZAKONSHME</b>		<b>637,990,042</b>

*Shënimet shpjeguese paraqitur në faqet 8 deri në 36 janë pjesë përbërëse e këtyre pasqyrave financiare.*

**FONDI I NDËRHYRJES SË JASHTËZAKONSHME****Pasqyra e të ardhurave dhe shpenzimeve dhe të ardhurave të tjera gjithëpërshirëse***(Të gjitha vlerat janë në Lek, përveç se kur shprehet ndryshe)*

	Shënime	Që nga data e krijimit (1 janar 2018 ) deri më 31 dhjetor 2018
<b>Të ardhura operative:</b>		
Të ardhura nga kontributi vjetor	11	632,174,459
Të ardhura nga interesat	12	8,437,388
Të ardhura të tjera operative	13	5,712
		<b>640,617,559</b>
<b>Shpenzime financiare:</b>		
Humbje nga përkthimi në monedhë të huaj		(2,270,400)
Tarifa dhe komisione bankare	14	(500,000)
		<b>(2,770,400)</b>
<b>Shpenzime operative:</b>		
Shpenzime operative nga aktiviteti	15	(1,064,425)
		<b>(1,064,425)</b>
Shpenzime provigjioni për aktivet financiare	8	(107,301)
<b>TEPRICA NETO PËR VITIN</b>		<b>636,675,433</b>
Të ardhurat të tjera gjithëpërshirëse		-
<b>TOTALI I TË ARDHURAVE GJITHËPËRSHIRËSE</b>		<b>636,675,433</b>

*Shënimet shpjeguese paraqitur në faqet 8 deri në 36 janë pjesë përbërëse e këtyre pasqyrave financiare.*

**FONDI I NDËRHYRJES SË JASHTËZAKONSHME****Pasqyra e fluksit të mjeteve monetare***(Të gjitha vlerat janë në Lek, përveç se kur shprehet ndryshe)*

Shënime	Që nga data e krijimit (1 janar 2018) deri më 31 dhjetor 2018
<b>Teprica e fondeve</b>	<b>636,675,433</b>
<b><i>Rregullime për:</i></b>	
Interes të përlogaritur për investimet në letra me vlerë	1,301,200
<b>Ndryshimet në:</b>	
Detyrime të tjera	1,314,609
<b>Fluksi i mjeteve monetare gjeneruar nga aktiviteti operativ</b>	<b>639,291,242</b>
 <b>AKTIVITETI INVESTUES</b>	
Blerje e letrave me vlerë	(573,000,000)
<b>Fluksi i mjeteve monetare përdorur në aktivitetin investues</b>	<b>66,291,242</b>
 <b>Rritja neto e mjeteve monetare gjatë vitit</b>	<b>66,291,242</b>
Mjete monetare dhe ekuivalentët e tyre në fillim të vitit (1 janar)	8 -
<b>Mjete monetare dhe ekuivalentët e tyre në fund të vitit</b>	<b>8 66,291,242</b>

*Shënimet shpjeguese paraqitur në faqet 8 deri në 36 janë pjesë përbërëse e këtyre pasqyrave financiare.*



## FONDI I NDËRHYRJES SË JASHTËZAKONSHME

Pasqyra e ndryshimeve të aktiveve neto në dispozicion të autoritetit të ndërrhyrjes së jashtëzakonshme

(Të gjitha vlerat janë në Lek, përveç se kur shprehet ndryshe)

	Që nga data e krijimit (1 janar 2018 ) deri më 31 dhjetor 2018	Totali
Aktivet neto në dispozicion të autoritetit të ndërrhyrjes së jashtëzakonshme më 1 janar 2018	-	-
Totali i të ardhurave gjithëpërfshirëse për periudhën	636.675,433	636.675,433
Aktivet neto në dispozicion të autoritetit të ndërrhyrjes së jashtëzakonshme më 31 dhjetor 2018	636.675,433	636.675,433

Pasqyrat financiare janë miratuar nga Këshilli Drejtues i Fondit me vendim Nr. 05, datë 27 shkurt 2019, dhe nënshkruar në emër të Fondit të Ndërrhyrjes së Jashtëzakonshme nga:

Genci Mamani

Drejtor i Përgjithshëm



Eneida Ruçi

Përgjegjëse e Sektorit të Financës dhe Investimeve

*Shënimet shpjeguese paraqitur në faqet 8 deri në 36 janë pjesë përbërëse e këtyre pasqyrave financiare.*

# FONDI I NDËRHYRJES SË JASHTËZAKONSHME

Shënimet shpjeguese mbi pasqyrat financiare për vitin e mbyllur më 31 dhjetor 2018

(Të gjitha vlerat janë në Lek, përveç se kur shprehet ndryshe)

## 1. INFORMACION I PËRGJITHSHËM MBI ENTITETIN RAPORTUES

Fondi i ndërhyrjes së jashtëzakonshme ("Fondi") u krijua më 1 janar 2018 në zbatim të ligjit 133/2016 " Për rimëkëmbjen dhe ndërhyrjen e jashtëzakonshme në banka, në Republikën e Shqipërisë ". Fondi i Ndërhyrjes së Jashtëzakonshme administrohet nga Agjencia e Sigurimit të Depozitave ("Agjencia" ose "ASD") në përputhje me parashikimet e këtij Ligji dhe akteve të tjera nën ligjore të miratuara për këtë qëllim nga Banka e Shqipërisë. Fondi i Ndërhyrjes së Jashtëzakonshme nuk ka personalitet juridik. Banka e Shqipërisë është Autoriteti i Ndërhyrjes së Jashtëzakonshme që ushtron të drejtat e ndërhyrjes të përcaktuara në Ligj. Çdo pretendim në lidhje me "Fondin e ndërhyrjes së jashtëzakonshme" i drejtohet Autoritetit të Ndërhyrjes së Jashtëzakonshme.

Objekti i këtij ligji është:

- a) përcaktimi i rregullave, i procedurave dhe i instrumenteve për rimëkëmbjen dhe ndërhyrjen e jashtëzakonshme në banka dhe degët e bankave të huaja;
- b) përcaktimi i kompetencave dhe i detyrave të Autoritetit të Ndërhyrjes së Jashtëzakonshme dhe të Autoritetit Mbikëqyrës;
- c) krijimi, financimi dhe përdorimi i fondit të ndërhyrjes së jashtëzakonshme, si dhe administrimi i tij

Fondi duhet të plotësohet gradualisht dhe të arrijë nivelin 0.5% të detyrimeve të të gjitha bankave, brenda datës 11 korrik të vitit 2027. Banka e Shqipërisë si Autoriteti i Ndërhyrjes së Jashtëzakonshme përllëgarit çdo vit kontributin vjetor që sektori bankar do të paguajë për arritjen e nivelit të synuar të Fondit të Ndërhyrjes së Jashtëzakonshme.

Për vitin e parë mbështetur në Ligjin 133/2016 " Për rimëkëmbjen dhe ndërhyrjen e jashtëzakonshme në banka, në Republikën e Shqipërisë " dhe rregulloren nr.56 datë 03.10.2017 "Mbi Fondin e Ndërhyrjes së Jashtëzakonshme dhe procedurave për administrimin e tij", niveli i synuar, madhësia e Fondit në vitin e parë dhe kontributi vjetor për secilën bankë është mbështetur në pasqyrat financiare për vitin e mbyllur më 31 dhjetor 2016. Madhësia e Fondit të synuar shpërndahehet sipas peshës specifike që çdo bankë zë në detyrimet e të gjithë sektorit bankar.

- Deri më 10 janar 2018, bankat kanë paguar 10% të kontributit vjetor të Fondit për vitin e parë.
- Deri më 30 prill 2018, bankat kanë paguar 90% të kontributit vjetor të Fondit për vitin e parë.

## **FONDI I NDËRHRYJES SË JASHTËZAKONSHME**

**Shënimet shpjeguese mbi pasqyrat financiare për vitin e mbyllur më 31 dhjetor 2018**

*(Të gjitha vlerat janë në Lek, përveç se kur shprehet ndryshe)*

### **2. KUADRI RREGULLATOR I VEPRIMTARISË SË FONDIT**

Veprimtaria e Fondit rregullohet nga ligji "Për rimëkëmbjen dhe ndërhyrjen e jashtëzakonshme në banka, në Republikën e Shqipërisë", akteve nën ligjore të nxjerrë nga Banka e Shqipërisë si edhe nga rregulloret e hartuara nga Agjencia dhe të miratuara nga Autoriteti i Ndërhyrjes së Jashtëzakonshme.

Fondi i Ndërhyrjes së Jashtëzakonshme përbëhet nga burimet financiare të mëposhtme:

- a) kontributet vjetore të paguara nga bankat;
- b) kontributet e jashtëzakonshme të paguara nga bankat;
- c) huatë, subvencionet dhe donacionet. Huat mund të garantohen duke përdorur aktivet e tashme dhe/ose të ardhshme të "Fondit të ndërhyrjes së jashtëzakonshme";
- ç) të ardhura nga administrimi i mjeteve financiare të "Fondit të ndërhyrjes së jashtëzakonshme";
- d) të ardhurat nga rimarrja e fondeve të përdorura gjatë zbatimit të kompetencave dhe instrumenteve të parashikuara në këtë ligj;
- dh) gjokat e mbledhura nga zbatimi i sanksioneve të përcaktuara në nenin 81 të këtij ligji;
- e) instrumente të tjera financiare, të përcaktuara nga Autoriteti i Ndërhyrjes së Jashtëzakonshme.

Banka e Shqipërisë, si Autoriteti Rregullator i Ndërhyrjes së Jashtëzakonshme, miraton përdorimin e Fondit, ndërsa Agjencia përcakton mënyrën e investimit dhe tipet e instrumenteve në të cilat do të investohet nga Fondi në zbatim të politikës për administrimin e mjeteve financiare të miratuar nga Autoriteti i Ndërhyrjes së Jashtëzakonshme. Administrimi i Fondit duhet të garantojë sigurinë e mjeteve financiare përmes investimit në mjete me likuiditet të lartë dhe rrezik të ulët. Politika e administrimit të mjeteve financiare të Fondit të Ndërhyrjes së Jashtëzakonshme përcakton procedurat, kriteret, maturitetet dhe limitet krahasuese. (benchmark)

Mjetet financiare të Fondit duhet të investohen në letra me vlerë të lëshuara nga Qeveria e Shqipërisë, Banka e Shqipërisë, qeveritë e huaja ose bankat qendrore ndërkombëtare të cilat janë të vlerësuara shumë mirë nga Agjencitë Ndërkombëtare të vlerësimit me reputacion. Sipas Ligjit, Agjencia duhet të mbajë llogari kontabël të veçanta për Fondin e Ndërhyrjes së Jashtëzakonshme. Në fund të cdo viti financiar, Agjencia përgatit një raport të detajuar mbi aktivitetin investues të këtij Fondi dhe e dërgon pranë Autoritetit të Ndërhyrjes së Jashtëzakonshme.

Organi më i lartë drejtues i Fondit është Këshilli Drejtues i Agjencisë. Këshilli Drejtues përbëhet nga pesë anëtarë, të emëruar nga Banka e Shqipërisë. Dy anëtarë propozohen nga Banka e Shqipërisë, dy anëtarë propozohen nga Ministri i Financave të Republikës së Shqipërisë dhe një anëtar propozohet nga Instituti i Ekspertëve Kontabël të Autorizuar.

Këshilli Drejtues më 31 dhjetor 2018 përbëhet nga:

Z. Donald Duro	Kryetar i Këshillit Drejtues (KD)
Z. Genci Mamani	Anëtar
Z. Ervin Mete	Anëtar
Z. Erjon Luçi	Anëtar
Znj. Nexhmije Cela	Anëtare

## **FONDI I NDËRHYRJES SË JASHTËZAKONSHME**

**Shënimet shpjeguese mbi pasqyrat financiare për vitin e mbyllur më 31 dhjetor 2018**

*(Të gjitha vlerat janë në Lek, përveç se kur shprehet ndryshe)*

### **3. BAZAT E PËRGATITJES DHE ZBATIMIT TË SNRF**

#### **(a) Deklarata e pajtueshmërisë**

Pasqyrat financiare janë përgatitur në përputhje me Standardet Ndërkombëtare të Raportimit Financiar (SNRF-të).

#### **(b) Baza e matjes**

Pasqyrat financiare janë përgatitur mbi bazën e kostos historike.

#### **(c) Monedha funksionale dhe e paraqitjes**

Këto pasqyra financiare janë paraqitur në Lek shqiptar ("Lek"), e cila është monedha funksionale dhe raportuese e Fondit.

#### **(d) Përdorimi i vlerësimeve dhe gjykimeve**

Përgatitja e këtyre pasqyrave financiare në përputhje me SNRF-të kërkon që Drejtimi të bëjë gjykime, vlerësime dhe supozime të cilat ndikojnë në aplikimin e politikave kontabël dhe në shumatat e raportuara të aktiveve, detyrimeve, të ardhurave dhe shpenzimeve. Rezultatet faktike mund të ndryshojnë nga këto vlerësime.

Vlerësimet dhe supozimet rishikohen në mënyrë të vazhdueshme. Rishikimet e vlerësimeve kontabël njihen në periudhën, në të cilën vlerësimi rishikohet dhe në periudhat e ardhshme të ndikuara.

Informacione rreth çështjeve të rëndësishme të pasigurisë në vlerësime dhe gjykimeve kritike për zbatimin e politikave kontabël, që kanë efektin më të rëndësishëm në vlerat e njohura në pasqyrat financiare, janë përfshirë në Shënimet 6 dhe 7.

#### **(e) Parimi i Vijmësisë**

Pasqyrat financiare të Fondit janë përgatitur në bazë të supozimi i vijmësisë, i cili supozon se Fondi do të vazhdojë ekzistencën e tij operacionale për të ardhmen e parashikueshme. Në bazë të planit të miratuar financiar të Fondit në vitet e ardhshme, ai parashikon të rrisë aktivitetin e tij operacionale dhe është parashikuar një rezultat pozitiv në vitin e ardhshëm.

### **4. ZBATIMI I STANDARDEVE NDËRKOMBËTARE TË REJA DHE TË RISHIKUARA TË RAPORTIMIT FINANCIAR**

#### **4.1 Standardet dhe interpretimet efektive në periudhën raportuese aktuale**

Ndryshimet e mëposhtme në standardet ekzistuese dhe interpretimi i ri i lëshuar nga Bordi i Standardeve Ndërkombëtare të Kontabilitetit (BSNK), janë në fuqi për periudhën raportuese:

- **SNRF 9 "Instrumentet Financiare"** (efektive për periudhat vjetore që fillojnë më ose pas 1 janarit 2018),

Shënimet shpjeguese lidhur me aplikimin fillestar të SNRF 9

**Impakti i aplikimit fillestar të SNRF 9 Instrumentet Financiare**

Fondi implementoi gjatë vitit 2018, SNRF 9 "Instrumentet Financiare" si edhe amendimet e Standardeve të tjera të SNRF-ve që janë efektive për periudhat vjetore që fillojnë më ose pas datës 1 janar 2018.

## **FONDI I NDËRHYRJES SË JASHTËZAKONSHME**

**Shënimet shpjeguese mbi pasqyrat financiare për vitin e mbyllur më 31 dhjetor 2018**

*(Të gjitha vlerat janë në Lek, përveç se kur shprehet ndryshe)*

### **4. ZBATIMI I STANDARDEVE NDËRKOMBËTARE TË REJA DHE TË RISHIKUARA TË RAPORTIMIT FINANCIAR (VAZHDIM)**

#### **4.1 Standardet dhe interpretimet efektive në periudhën raportuese (vazhdim)**

Faza transitore e SNRF 9, lejon që entiteti të mos rishikojë periudhën e mëparshme. Fondi nuk kishte asnjë impakt nga aplikimi i SNRF 9 përsa i përket klasifikimit dhe matjes së instrumenteve financiare.

SNRF 9 prezantoi kërkesa të reja për:

- 1) Klasifikimin dhe matjen e aktiveve financiare dhe detyrimeve financiare,
- 2) Zhvleresimin e aktiveve financiare, dhe
- 3) Kontabilitetin mbrojtës.

Detajet e këtyre kërkesave të reja si edhe impaktin e tyre në pasqyrat financiare të Fondit përshkruhen në vijim:

##### *(a) Klasifikimi dhe matja e aktiveve financiare*

Data e aplikimit fillestar nga Fondi është data 1 janar 2018 që është data e krijimit të Fondit. Të gjitha aktivet financiare që përfshihen në objektin e SNRF 9 duhet të maten me kosto të amortizuara ose vlerë të drejtë mbështetur në modelin e biznesit për menaxhimin e aktiveve financiare dhe flukseve kontraktuale të aktiveve financiare.

Përkatësisht:

- a) Instrumentet e borxhit të cilat mbahet sipas një modeli biznesi që ka si qëllim të mbajë këto aktive financiare për të përfunduar të ardhurat kontraktuale; dhe në marrëveshjen bazë të emetimit të aktivitetit të përcaktohet që flukset hyrëse/kthimet do të shlyhen në data të caktuara dhe janë vetëm pagesa të principalit dhe interesit të përlogarit mbi principalin e mbetur papaguar.
- b) Instrumentet e borxhit të cilat mbahet sipas një modeli biznesi që ka si qëllim të mbajë këto aktive financiare për të përfunduar të ardhurat kontraktuale; dhe të shesë instrumentet financiare dhe të cilat kanë flukse hyrëse/kthime që do të shlyhen në data të caktuara dhe janë vetëm pagesa të principalit dhe interesit të përlogarit mbi principalin e mbetur papaguar, maten me vlerë të drejtë përmes të ardhurave gjithëpërfshirëse
- c) Të gjithë instrumentet e tjerë të borxhit dhe investimet e kapitali maten me vlerë të drejtë përmes të ardhurave dhe shpenzimeve.

Në periudhën e mbyllur më 31 dhjetor 2018, Fondi i ka të gjitha aktivet financiare të matura me kosto të amortizuara.

Kur një instrument borxhi i matur me vlerën e drejtë përmes të ardhurave gjithëpërfshirëse c'rregjistrohet, humbja apo fitimi i akumuluar i njohur më parë në pasqyrën e të ardhurave gjithëpërfshirëse riklasifikohet nga kapitali në pasqyrën e fitim humbjes si rregullim riklasifikimi. Kur një instrument kapitali i matur me vlerë të drejtë përmes të ardhurave gjithëpërfshirëse c'rregjistrohet humbja apo fitimi i akumuluar i njohur më parë në pasqyrën e të ardhurave gjithëpërfshirëse të transferohet në fitimet e akumuluar.

Instrumentet e borxhit të cilat maten me kosto të amortizuara ose me vlerë të drejtë përmes të ardhurave gjithëpërfshirëse janë subjekt i zhvlerësimit.

Fondi analizoi kërkesat e SNRF 9, klasifikoi instrumentet financiare në zbatim të kërkesave të SNRF 9 dhe në datën e zbatimit për herë të parë (1 janar 2018), arriti në përfundimin se metoda e matjes për instrumentet e saj financiare nuk ndryshon nga ajo e përdorur sipas SNK 39, për të gjitha investimet në instrumentet financiare (llogari rrjedhëse, depozitat afatshkurtra, bono thesari dhe obligacione të Qeverisë Shqiptare) modeli i biznesit të zgjedhur është mbajtja për të mbledhur flukset monetare kontraktuale dhe klasifikimi me Kosto të Amortizuara (KA).

## **FONDI I NDËRHYRJES SË JASHTËZAKONSHME**

**Shënimet shpjeguese mbi pasqyrat financiare për vitin e mbyllur më 31 dhjetor 2018**

*(Të gjitha vlerat janë në Lek, përveç se kur shprehet ndryshe)*

### **4. ZBATIMI I STANDARDEVE NDËRKOMBËTARE TË REJA DHE TË RISHIKUARA TË RAPORTIMIT FINANCIAR (VAZHDIM)**

#### **4.1 Standardet dhe interpretimet efektive në periudhën raportuese aktuale (vazhdim)**

##### *b) Zhvlerësimi i aktiveve financiare*

Në lidhje me zhvlerësimin e aktiveve financiare, SNRF 9 kërkon një model të humbjeve të pritshme ndryshe nga SNK 39 e cila mbështetet në modelin e humbjeve të ndodhura. Modeli I humbjeve të pritshme kërkon që Fondi, të kontabilizojë për humbjet e pritshme në çdo datë raportimi për të reflektuar ndryshimet e rrezikut kreditor që nga njohja fillestare e aktiveve financiare. Kjo nënkupton që nuk është e nevojshme që një ngjarje rreziku kredie të ketë ndodhur përpara se të njihen humbjet nga kredia.

Specifikisht SNRF 9 kërkon që Fondi të njohë provigjon për humbje nga kredia për humbjet e pritshme nga :

- (1) Instrumentet e borxhit të matur past njohje fillestare me kosto të amortizuar ose vlerë të drejtë tregu përmes të ardhurave gjithpërfshirëse ;
- (2) Qeratë financiare;
- (3) Llogaritë e arkëtueshme; dhe
- (4) Kontratat e garancive financiare për të cilat kërkesat e zhvlerësimit të SNRF 9 aplikohen.

Në veçanti SNRF 9 kërkon që Fondi të masë provigjonin për humbjet për një instrument financiar në masën e humbjeve të pritshme nga kredia (HPK) për gjithë jetën e instrumentit financiar, nëse ka një rritje të konsiderueshme të rrezikut kreditor nga njohja fillestare, ose nëse instrumenti është blerë ose është i origjinuar me rrezik kredia të konsiderueshëm. Megjithatë nëse rreziku kreditor mbi një instrument financiar nuk është rritur në mënyrë të konsiderueshme që nga njohja fillestare, (përveç instrumenteve të blerë me rrezik të konsiderueshëm)

Fondi kërkohet të vlerësojë provigjonin për humbjet për çdo instrument financiar në masën e humbjeve të pritshme për 12 muajt e instrumentit. (12 muaj HPK). SNRF 9 kërkon gjithashtu një qasje të thjeshtuar për matjen e provigjonit për humbjet në shumën e humbjeve të pritshme për gjithë jetën e instrumentit financiar për llogaritë e arkëtueshme, aktivet kontraktuale dhe qeratë financiare në rrethana të caktuara.

##### *(c) Klasifikimi dhe matja e detyrimeve financiare*

Një ndryshim i rëndësishëm i prezantuar nga SNRF 9 në klasifikimin dhe matjen e detyrimeve financiare lidhet me kontabilizimin e ndryshimeve në vlerën e drejtë të detyrimeve financiare të njohur përmes fitim humbjes si rezultat i ndryshimeve të rrezikut kreditor së emetuesit. Konkretisht SNRF 9 kërkon që ndryshimet në vlerën e drejtë të detyrimeve financiare që i atribuohen ndryshimeve në rrezikun kreditor të këtij detyrimi, të paraqiten në pasqyrën e të ardhurave gjithpërfshirëse përsa kohë që njohja e efektit të ndryshimeve në rrezikun kreditor të detyrimit në pasqyrën e të ardhurave gjithpërfshirëse do të krijonte një mospërputhje kontabël në pasqyrën e fitim humbjes. Ndryshimet në vlerën e drejtë që lidhen nga ndryshimet e rrezikut kreditor të detyrimit financiar nuk transferohen menjëherë në pasqyrën e fitim humbjes por transferohen në fitimet e akumuluar kur detyrimi financiar c'rrregjistrohet. Më parë sipas SNK 39, e gjithë shumën e ndryshimit të vlerës së drejtë të detyrimit financiar të matur përmes fitim humbjes paraqitej në pasqyrën e fitim humbjes.

## FONDI I NDËRHYRJES SË JASHTËZAKONSHME

Shënimet shpjeguese mbi pasqyrat financiare për vitin e mbyllur më 31 dhjetor 2018

(Të gjitha vlerat janë në Lek, përveç se kur shprehet ndryshe)

### 4. ZBATIMI I STANDARDEVE NDËRKOMBËTARE TË REJA DHE TË RISHIKUARA TË RAPORTIMIT FINANCIAR

#### 4.1 Standardet dhe interpretimet efektive në periudhën raportuese aktuale (vazhdim)

##### *d) Kontabiliteti i përgjithshëm mbrojtës*

Kontabiliteti i përgjithshëm mbrojtës kërkon tre tipe kontabiliteti mbrojtës. Megjithatë, më shumë fleksibilitet paraqitet për tipet e transaksioneve të vlefshme për kontabilitetin mbrojtës duke zgjeruar perkatësisht tipet e instrumenteve si edhe llojet e komponentëve të rrezikut për zëra jo financiarë që janë të vlefshëm për kontabilitetin mbrojtës. Gjithashtu testi i efektivitetit është zevendësuar nga parimi i "lidhjes ekonomike". Vlerësimi retrospektiv i kontabilitetit mbrojtës nuk kërkohet më.

Nuk ka aktive apo detyrime financiare të Fondit të cilat janë riklasifikuar pas implementimit të SNRF 9 krahasuar me matjen e tyre sipas SNK 39.

- **SNRF 15 "Të Ardhurat nga Kontratat me Klientët"** dhe ndryshimet e mëtejshme (efektive për periudhat vjetore që fillojnë më ose pas 1 janarit 2018),
- **Ndryshimet në SNRF 2 "Pagesa bazuar në aksione"** - Klasifikimi dhe matja e transaksioneve të pagesave të bazuara në aksione (efektive për periudhat vjetore që fillojnë më ose pas 1 janarit 2018),
- **Ndryshimet në SNRF 4 "Kontratat e Sigurimit"** - Zbatimi i SNRF 9 "Instrumentat Financiarë" me SNRF 4 "Kontratat e Sigurimeve" (efektive për periudhat vjetore që fillojnë më ose pas 1 janarit 2018 ose kur SNRF 9 "Instrumentet Financiarë" aplikohet për herë të parë),
- **Ndryshimet në SNK 40 "Aktivet Afatgjata Materiale të Investuara"** - Transferimet e Aktivit Afatgjatë të Investuar (efektive për periudhat vjetore që fillojnë më ose pas 1 janarit 2018),
- **Ndryshimet në SNRF 1 dhe SNK 28 për shkak të "Përmirësimeve të SNRF-ve (cikllit 2014-2016)"** që rezultojnë nga projekti vjetor i përmirësimit të SNRF-ve (SNRF 1, SNRF 12 dhe SNK 28) kryesisht me qëllim heqjen e mospërputhjeve dhe qartësimin e formulimit (ndryshimet në SNRF 1 dhe SNK 28 duhet të zbatohen për periudhat vjetore që fillojnë më ose pas 1 janarit 2018),
- **KIFRN 22 "Transaksionet në valutë dhe Konsiderata për Avancat"** (efektive për periudhat vjetore që fillojnë më ose pas 1 janarit 2018).

Adoptimi i këtyre ndryshimeve në standardet ekzistuese nuk ka çuar në ndonjë ndryshim material në pasqyrat financiare të Agjensisë përveç SNRF 9 ku ndryshimet në pasqyra financiare janë përmendën më lart.

## **FONDI I NDËRHYRJES SË JASHTËZAKONSHME**

**Shënimet shpjeguese mbi pasqyrat financiare për vitin e mbyllur më 31 dhjetor 2018**

*(Të gjitha vlerat janë në Lek, përveç se kur shprehet ndryshe)*

### **4. ZBATIMI I STANDARDEVE NDËRKOMBËTARE TË REJA DHE TË RISHIKUARA TË RAPORTIMIT FINANCIAR (VAZHDIM)**

#### **4.2 Standardet dhe interpretimet që nuk janë ende efektive**

Në datën e autorizimit të këtyre pasqyrave financiare, standardet, përmirësimet dhe interpretimet e mëposhtme janë publikuar por nuk janë akoma në fuqi.

- **SNRF 16 "Qiratë"** (efektive për periudhat vjetore që fillojnë më ose pas 1 janarit 2019),
- **SNRF 17 "Kontratat e Sigurimit"** (efektive për periudhat vjetore që fillojnë më ose pas 1 janarit 2021),
- **Ndryshimet në SNRF 3 "Kombinimet e Biznesit"** - Përkufizimi i një Biznesi (efektiv për kombinime biznesi për të cilat data e blerjes është në ose pas fillimit të periudhës së parë vjetore të raportimit që fillon më ose pas 1 janarit 2020 dhe për blerjet e aktiveve që ndodhin në ose pas fillimit të asaj periudhe).
- **Ndryshimet në SNRF 9 "Instrumentet Financiarë"** - Karakteristikat e Parapagimit me Kompensim Negativ (efektiv për periudhat vjetore që fillojnë më ose pas 1 janarit 2019),
- **Ndryshimet në SNRF 10 "Pasqyrat Financiare të Konsoliduara" dhe SNK 28 "Investimet në Shoqëritë dhe Sipërmarrjet e Përbashkëta"** - Shitja ose kontributi i aktiveve midis një investitori dhe bashkëpunëtorit të tij ose sipërmarrjes së përbashkët dhe ndryshimeve të mëtejshme (data efektive shtyhet për një kohë të pacaktuar deri në projektin kërkimor metoda e kapitalit është përfunduar),
- **Ndryshimet në SNK 1 "Paraqitja e Pasqyrave Financiare" dhe SNK 8 "Politikat Kontabël, Ndryshimet në Vlerësimet Kontabël dhe Gabimet"** - Përkufizimi i Materialit (efektiv për periudhat vjetore që fillojnë më ose pas 1 Janarit 2020)
- **Ndryshimet në SNK 19 "Përfitimet e punonjësve"** - Ndryshimi i planit, shkurtimi ose shlyerja (efektive për periudhat vjetore që fillojnë më ose pas 1 janarit 2019),
- **Ndryshimet në SNK 28 "Investimet në Shoqëritë dhe Sipërmarrjet e Përbashkëta"** - Interesat Afatgjatë në Shoqëritë dhe Sipërmarrjet e Përbashkëta (efektive për periudhat vjetore që fillojnë në ose pas 1 janar 2019),
- **Ndryshimet në standarde të ndryshme për shkak të "Përmirësimeve të SNRF-ve (cikli 2015-2017)"** që rezultojnë nga projekti vjetor i përmirësimit të SNRF-ve (SNRF 3, SNRF 11, SNK 12 dhe SNK 23) kryesisht me qëllim heqjen e mospërputhjeve dhe qartësimin e formulimit efektive për periudhat vjetore që fillojnë më ose pas 1 janarit 2019),
- **Ndryshimet në Referencat në Kuadrin Konceptual në Standardet e SNRF** (efektive për periudhat vjetore që fillojnë më ose pas 1 janarit 2020),
- **KIFRN 23 "Pasiguria mbi Trajtimin e Tatimit mbi të Ardhurat"** (efektive për periudhat vjetore që fillojnë më ose pas 1 janarit 2019).



## FONDI I NDËRHYRJES SË JASHTËZAKONSHME

Shënimet shpjeguese mbi pasqyrat financiare për vitin e mbyllur më 31 dhjetor 2018

(Të gjitha vlerat janë në Lek, përveç se kur shprehet ndryshe)

### 5. PËRMBLEDHJE E POLITIKAVE TË RËNDËSISHME KONTABËL

#### 5.1 Transaksione në monedhë të huaj

Transaksionet në monedhë të huaj përkthehen në monedhën funksionale me kursin e këmbimit në datën e transaksionit. Aktivet dhe detyrimet monetare në monedhë të huaj në datën e raportimit përkthehen në monedhën funksionale me kursin e asaj date. Fitimi ose humbja nga zërat monetare është diferenca midis kostos së amortizuar në monedhën funksionale në fillim të periudhës, e rregulluar me interesin efektiv dhe pagesat e periudhës, dhe kostos së amortizuar në monedhë të huaj e përkthyer me kursin e këmbimit në fund të periudhës. Aktivet dhe detyrimet Jo-monetare të përkthyer në monedhë të huaj, të cilat mbahen me kosto historike, ripërkthehen në monedhën funksionale me kursin e këmbimit në datën e transaksionit. Diferencat nga kursi i këmbimit, të cilat janë rezultat i ripërkthimit, njihen në fitim/humbje.

Kurset zyrtare të këmbimit për monedhat kryesore, të përdorura për të përkthyer zërat e bilancit në LEK janë si më poshtë:

	31 dhjetor 2018
EURO	123.42
Dollari amerikan (USD)	107.82
Franga zviceriane (CHF)	109.60

#### 5.2 Interesi

Të ardhurat dhe shpenzimet nga interesi njihen në fitim ose humbje duke përdorur metodën e interesit efektiv. Për aktivet financiare, ndryshe nga ato që janë blerë ose origjinuar me rrezik kredie të shtuar, norma e interesit efektiv është norma që aktualizon në mënyrë të saktë flukset e ardhshme hyrëse dhe dalëse të parave përgjatë jetës së pritshme të aktivitet apo detyrimit financiar (ose, ku është e përshtatshme, një periudhë më e shkurtër) ndaj vlerës kontabël bruto të aktivitet apo detyrimit financiar në njohjen fillestare. Për instrumentet financiarë të blerë ose të origjinuar me rrezik të shtuar kreditor, një normë e rregulluar efektive interesi llogaritet duke aktualizuar flukset e ardhshme të parasë duke përfshirë humbjet e pritshme ndaj kostos së amortizuar në njohjen fillestare të instrumentit. Norma e interesit efektiv për instrumentet financiarë të Fondit të cilët janë të gjithë të vlerësuar jo me rrezik të shtuar kreditor është norma që aktualizon flukset hyrëse dhe dalëse të parave përgjatë jetës së pritshme të aktivitet apo detyrimit financiar ndaj vlerës kontabël bruto të aktivitet apo detyrimit financiar në njohjen fillestare.

Çdo fitim ose humbje që vjen si pasojë e cregjistrimit njihet direkt te pasqyra e të ardhurave dhe shpenzimeve dhe të ardhurave të tjera gjithëpërfshirëse dhe paraqitet te fitimi / humbja nga përkthimi në monedhë të huaj. Humbjet nga zhvlerësimi janë paraqitur si zë i veçantë në pasqyrën e të ardhurave dhe shpenzimeve dhe të ardhurave të tjera gjithëpërfshirëse

#### 5.3 Tarifat dhe komisionet

Të ardhurat dhe shpenzimet nga tarifrat dhe komisionet, të cilat janë përbërëse e normës së interesit efektiv të një aktivi apo detyrimi financiar, përfshihen në matjen e normës efektive të interesit.

#### 5.4 Aktivet dhe detyrimet financiare

##### (i) Njohja

Fondi i njej fillimisht investimet në letra me vlerë, depozitat, huatë dhe detyrimet e tjera të varura në ditën në të cilën ato janë krijuar. Blerjet dhe shitjet e rregullta të aktiveve financiare njihen në datën e tregtimit, e cila është data kur Fondi angazhohet të blejë apo shesë aktivet. Të gjitha aktivet dhe detyrimet financiare (përfshirë dhe aktivet dhe detyrimet e mbajtura me vlerë të drejtë përmes fitimit dhe humbjes) njihen fillimisht në datën e tregtimit, e cila është data në të cilën Fondi bëhet palë e dispozitave të kontratës së instrumentit.

## FONDI I NDËRHYRJES SË JASHTËZAKONSHME

Shënimet shpjeguese mbi pasqyrrat financiare për vitin e mbyllur më 31 dhjetor 2018

(Të gjitha vlerat janë në Lek, përveç se kur shprehet ndryshe)

### 5. PËRMBLEDHJE E POLITIKAVE TË RËNDËSISHME KONTABËL (VAZHDIM)

#### 5.4 Aktivet dhe detyrimet financiare (vazhdim)

##### (ii) Klasifikimi

###### *Aktivete financiare*

Një aktiv ose detyrim financiar, kur ky nuk përcaktohet si i matur me vlerë të drejtë përmes fitimit dhe humbjes, matet fillimisht me vlerën e drejtë, plus kostot e transaksionit që lidhen drejtpërdrejt me blerjen apo shitjen e tij.

###### *Klasifikimi i aktiveve financiare*

Instrumentet e borxhit që plotësojnë kushtet e mëposhtme maten pas njohjes fillestare me kosto të amortizuar:

- Instrumentet e borxhit të cilat mbahet sipas një modeli biznesi që ka si qëllim të mbajë këto aktive financiare për të përfutur të ardhurat kontraktuale; dhe
- në marrëveshjen bazë të emetimit të aktivit të përcaktohet që flukset hyrëse/kthimet do të shlyhen në data të caktuara dhe janë vetëm pagesa të principalit dhe interesit të përlogaritur mbi principalin e mbetur papaguar.

Instrumentet e borxhit që plotësojnë kushtet e mëposhtme maten pas njohjes fillestare maten me vlerë të drejtë përmes të ardhurave gjithëpërfshirëse:

- Instrumentet e borxhit të cilat mbahet sipas një modeli biznesi që ka si qëllim të mbajë këto aktive financiare për të përfutur të ardhurat kontraktuale; dhe
- të shesë instrumentet financiarë dhe të cilat kanë flukse hyrëse/kthime që do të shlyhen në data të caktuara dhe janë vetëm pagesa të principalit dhe interesit të përlogaritur mbi principalin e mbetur papaguar.

Si rezultat të gjithë aktivet e tjera financiare maten me vlerë të drejtë përmes fitim humbjes.

##### (i) Kosto e amortizuar dhe interesi efektiv

Kosto e amortizuar e aktivit financiar është shuma me të cilën matet aktivi në njohjen fillestare duke zbritur pagesat e principalit dhe duke shtuar amortizimin e akumuluar duke përdorur metodën e interesit efektiv të diferencës midis vlerës së njohur fillimisht dhe vlerës në maturim, të rregulluar për provigionet nga humbjet. Vlera kontabël bruto e aktivit financiar është kosto e amortizuar e aktivit përpara rregullimit për ndonjë provigion nga humbjet.

###### *Fitimi ose humbja nga konvertimi*

Aktivete dhe detyrimet financiare në monedha të huaja konvertohen në monedhën funksionale me kursin e datës së raportimit. Specifikisht, për aktivete financiare që maten me Kosto të Amortizuar dhe që nuk janë pjesë e një marrëdhënieje mbrojtëse të caktuar diferencat nga kursi i këmbimit që rrjedhin nga konvertimi njihen në fitim ose humbje (shenimi 11);

Më 31 dhjetor 2018, aktivete financiare të Fondit përbëhen nga mjetet monetare dhe ekuivalentet e tyre, dhe letrat me vlerë të klasifikuara si të mbajtuara për të mbledhur flusket. Shiko Shënimet 5.6, 5.7 dhe 5.8.

## **FONDI I NDËRHYRJES SË JASHTËZAKONSHME**

**Shënimet shpjeguese mbi pasqyrat financiare për vitin e mbyllur më 31 dhjetor 2018**

*(Të gjitha vlerat janë në Lek, përveç se kur shprehet ndryshe)*

### **5. PËRMBLEDHJE E POLITIKAVE TË RËNDËSISHME KONTABËL (VAZHDIM)**

#### **5.4 Aktivet dhe detyrimet financiare (vazhdim)**

##### *Detyrimet financiare*

Fondi i klasifikon detyrimet e saj financiare, përveç garancive financiare dhe angazhimeve të huasë, si të matura me kosto të amortizuar ose me vlerën e drejtë përmes fitimit dhe humbjes. Më 31 dhjetor 2018 detyrimet financiare të Fondit përbëhen vetëm nga të pagueshmet ndaj furnitorëve dhe detyrime të tjera të matura me koston e amortizuar.

##### **(iii) Identifikimi dhe matja e zhvlerësimit**

Fondi njeht një provigjon për humbjet e pritshme për aktivet financiare të cilat maten me kosto të amortizuar ose me vlerë të drejtë përmes të ardhurave të gjithëpërfshira. Shuma e humbjes së pritshme vlerësohet në çdo datë raportimi për të reflektuar ndryshimet në rrezikun kreditor që nga njohja fillestare e instrumentit financiar. Fondi gjithmonë vlerëson humbjet e pritshme për gjithë jetëgjatësinë e instrumentit financiar kur ka një rritje të konsiderueshme të rrezikut kreditor që nga njohja fillestare. Megjithatë nëse nuk ka një rritje të konsiderueshme të rrezikut kreditor. Fondi vlerëson provigjonin nga humbja e kredisë në shumën e humbjeve të pritshme për 12 muajt e jetës së aktivit financiar.

Humbjet e pritshme nga kredia për të gjithë jetën e aktivit financiar do të rezultojnë nga të gjitha ngjarjet e mundshme humbjeje përgjatë jetës së instrumentit financiar. Ndërkohë, humbja e pritshme për 12 muajt e fundit përfaqëson pjesën e humbjeve të pritshme nga humbjet e pritshme gjatë gjithë jetës së asetit, që pritet të rezultojë nga ngjarjet e humbjeve që mund të ndodhin brenda 12 muajve pas datës së raportimit.

##### **(i) Rritje e konsiderueshme në rrezikun kreditor**

Në vlerësimin nëse ka një rrezik të shtuar kredie për një instrument financiar që nga njohja fillestare, Fondi krahason rrezikun e humbjes nga instrumenti financiar në datën e raportimi me rrezikun e humbjes në datën e njohjes fillesatre Në kryerjen e këtij vlerësimi, Fondi konsideron informacionin sasior dhe cilësor që është i pranueshëm dhe i dokumentueshëm duke përfshirë eksperiencën historike dhe informacion mbi të ardhmen i cili mund të sigurohet pa shumë kosto dhe përpjekje. Informacion mbi kushtet e ardhshme konsideron perspektivat e ardhshme të sektorit në të cilën operon Fondi, analiza financiare nga ekspertë financiarë, vlerësime nga agjenci ndërkombëtare vlerësimi, analiza nga institucione shtetërore apo organizata të tjera të ngjashme, si edhe burime të tjera të informacionit për parashikimin ekonomik aktual dhe të ardhshëm, i cili lidhet me aktivitetet kryesore të Fondit. Veçanërisht, informacioni i mëposhtëm është marrë në konsideratë kur është vlerësuar nëse ka rritje të rrezikut kreditor nga njohja fillestare:

- një përkeqësim aktual ose i pritshëm i vlerësimit të jashtëm ose të brendshëm të instrumentit financiar;
- përkeqësim i konsiderueshëm në treguesit e tregjeve të jashtme të treguesve kreditor për instrumentet financiare
- ndryshime në rënie të kushteve ekonomike, dhe financiare aktuale ose të parashikuara të cilat presin të shkaktojnë një përkeqësim të aftësisë paguese të debitorit për të paguar detyrimet kontraktuale;
- një përkeqësim i konsiderueshëm aktual apo i pritshëm në rezultatet operative të debitorit
- rritje e konsiderueshme e rrezikut kreditor në një instrument tjetër financiar të lëshuar nga i njëjti debitor

## **FONDI I NDËRHYRJES SË JASHTËZAKONSHME**

Shënimet shpjeguese mbi pasqyrat financiare për vitin e mbyllur më 31 dhjetor 2018

*(Të gjitha vlerat janë në Lek, përveç se kur shprehet ndryshe)*

### **5. PËRMBLEDHJE E POLITIKAVE TË RËNDËSISHME KONTABËL (VAZHDIM)**

#### **5.4 Aktivet dhe detyrimet financiare (vazhdim)**

##### **(iii) Identifikimi dhe matja e zhvlerësimit (vazhdim)**

Pavarësisht këtyre, Fondi vlerëson që rreziku kreditor për instrumentet financiar nuk është rritur në mënyrë të konsiderueshme që nga njohja fillestare nëse vlerësohet që instrumenti ka rrezik të ulët kredie në datën e raportimi.

Një instrument ka rrezik të ulët kredie në datën e raportimi nëse:

- (1) Instrumenti financiar ka një rrezik të ulët humbjeje,
- (2) Debitori ka aftësi të forta paguese për të plotësuar detyrimet e tij kontraktuale në të ardhmen e afërt dhe
- (3) Ndryshime të kundërta në kushtet ekonomike dhe kushtet e biznesit në afatgjatë të cilatv jo domosdoshmërisht pakësojnë aftësinë e debitorit për të plotësuar detyrimet kontraktuale.

Agjencia konsideron që një aktiv financiar ka rrezik të ulët kredie kur aktivi ka vlerësime të jashtme si "investment grade" në përputhje me përkufizimin ndërkombëtar të njohur për këto investime ose nëse një vlerësim i jashtëm mungon, aktivi ka një vlerësim të brendshëm si aktiv financiar me performancë të mire, e cila konsideron që kundërpala ka një pozicion të fortë financiar dhe nuk ka detyrime në vonesë. Fondi vlerëson në mënyrë të rregullt efektivitetin e kriterëve të përdorura për të identifikuar nëse ka pasur një rritje të konsiderueshme në rrezikun kreditor dhe të rishikojë këto kriterë në mënyrë të përshtatshme për të siguruar që kriteret janë të vlefshme për të identifikuar një rritje të konsiderueshme të rrezikut kreditor përpara se shumat e pritshme të jenë në vonesë

##### **(ii) Përkufizimi i humbjes**

Fondi konsideron ngjarjet e mëposhtme si evente të humbjes për qëllime të menaxhimit të brendshëm të rrezikut kreditor pasi historiku i ngjarjeve ka treguar që nëse një aktiv financiar plotëson një nga kriteret e mëposhtme zakonisht nuk mund të arkëtohen:

- kur ka një thyerje të treguesve financiarë nga debitori; ose
- informacioni i krijuar së brendshmi apo i marrë nga burime të jashtme tregon që debitori ka pak mundësi pagese për kreditorët e tij duke përfshirë edhe Fondi.

Pavarësisht analizave të mësipërme. Fondi konsideron që një humbje ka ndodhur kur aktivi financiar është më shumë se 90 ditë në vonesë për aq kohë sa Fondi ka evidenca të arsyeshme dhe të mbështetura për të treguar një kriter i ndryshëm humbjeje do të ishte më i përshtatshëm.

## FONDI I NDËRHYRJES SË JASHTËZAKONSHME

Shënimet shpjeguese mbi pasqyrat financiare për vitin e mbyllur më 31 dhjetor 2018

(Të gjitha vlerat janë në Lek, përveç se kur shprehet ndryshe)

### 5. PËRMBLEDHJE E POLITKAVE TË RËNDËSISHME KONTABËL (VAZHDIM)

#### 5.4 Aktivet dhe detyrimet financiare (vazhdim)

##### (ii) Identifikimi dhe matja e zhvlerësimit (vazhdim)

Matja e humbjeve të pritshme është një funksion i probabiliteti mos shlyerjes, humbja e mundshme dhe ekspozimi ndaj humbjes. Vlerësimi i probabilitetit të mos shlyerjes dhe mundësisë së humbjes mbështetet në të dhëna historike të rregulluar me informacion për të ardhmen siç përshkruhet më sipër.

Ndërsa ekspozimi ndaj humbjes për aktivet financiare, përbëhet nga shuma bruto e aktivitetit në datën e raportimit. Për aktivet financiare, humbja e pritshme vlerësohet si diferenca midis të gjitha flukseve kontraktuale që i detyrohen Fondit sipas detyrimeve kontraktuale dhe flukseve të pritshme për tu marrë nga Fondi të aktualizuara me normën origjinale efektive të interesit në momentin e investimit. Fondi njih një humbje apo të ardhur nga zhvlerësimi i të gjitha aktiveve financiare në pasqyrën e fitimit humbjes, me rregullimin përkatës në vlerën kontabël të tyre përmes një llogarie humbje nga provigjoni, me përjashti të instrumenteve të matur me vlerë të drejtë përmes pasqyrës së të ardhurave gjithëpërfshirëse, për të cilat provigjoni njihet në pasqyrën e të ardhurave gjithëpërfshirëse dhe mbliidhet në rezervën e rivlerësimit të investimeve dhe nuk pakëson vlerën kontabël të aktivitetit financiar në pasqyrën e pozicionit financiar.

##### (iii) Çrregjistrimi

Fondi çrregjistron një aktiv financiar kur të drejtat kontraktuale mbi flukset e parasë përfundojnë apo i transferon të drejtat për të marrë flukset e parasë me anë të një transaksioni, i cili transferon në thelb të gjitha rreziqet dhe përfitimet e ardhshme që rrjedhin nga pronësia e aktivitetit financiar, ose në të cilin Fondi, as nuk mban dhe as nuk transferon në thelb rreziqet dhe përfitimet e ardhshme që rrjedhin nga pronësia dhe as nuk mban kontrollin e aktivitetit financiar. Çdo interes i krijuar apo i mbajtur nga Fondi mbi aktivet financiare të transferuara, të cilat kualifikohen për çrregjistrim, njihet më vete si aktiv apo detyrim.

Në çrregjistrimin e një aktiviteti financiar, diferenca midis vlerës së mbartur të aktivitetit (ose vlerës së mbartur që i alokohet pjesës së transferuar të aktivitetit) dhe shumës së (i) shumave të marra (përfshirë çdo aktiv të ri në zotërim minus çdo detyrim të ri të marrë) dhe (ii) çdo fitim apo humbje kumulative të njohur më parë në të ardhurat e tjera gjithëpërfshirëse, njihet në fitim/humbje.

#### *Detyrimet financiare*

Fondi çrregjistron një detyrim financiar kur detyrimet kontraktuale të saj janë përmbushur, ndërprerë apo anuluar.

##### (iv) Kompensimi

Aktivitetet dhe detyrimet financiare kompensohen dhe paraqiten me shumën neto në pasqyrën e pozicionit financiar kur dhe vetëm kur, Fondi ka një të drejtë ligjore për të kompensuar shumat dhe kur ajo ka si qëllim ose t'i shlyejë ato me vlerën neto ose ta realizojë aktivitetin dhe të shlyejë detyrimin njëkohësisht.

Të ardhurat dhe shpenzimet paraqiten me bazë neto vetëm kur lejohet nga SNRF-të, ose për fitim/humbje që rrjedhin nga transaksione të ngjashme.

## FONDI I NDËRHYRJES SË JASHTËZAKONSHME

Shënimet shpjeguese mbi pasqyrat financiare për vitin e mbyllur më 31 dhjetor 2018

(Të gjitha vlerat janë në Lek, përveç se kur shprehet ndryshe)

### 5. PËRMBLEDHJE E POLITIKAVE TË RËNDËSISHME KONTABËL (VAZHDIM)

#### 5.4 Aktivet dhe detyrimet financiare (vazhdim)

##### (iii) Identifikimi dhe matja e zhvlerësimit (vazhdim)

##### (v) Matja e kostos së amortizuar

Kosto e amortizuar e një aktivi apo detyrimi financiar është vlera, me të cilën është njohur në fillim aktivi apo detyrimi financiar, minus pagesat e shlyerjes së principalit, plus apo minus amortizimin e akumuluar, duke përdorur metodën e interesit efektiv për çdo diferencë midis shumëve fillestare të njohjes dhe shumëve në maturim, minus çdo zbritje apo zhvlerësim.

##### (vi) Matja e vlerës së drejtë

Vlera e drejtë është çmimi, me të cilën një aktiv do të këmbehej, ose një detyrim do të shlyhej, në një transaksion të kryer në mënyrë të vullnetshme, mes palëve të gatshme, të mirë informuara dhe të palidhura me njëra-tjetrën, në datën e matjes.

Kur është e mundur, Fondi mat vlerën e drejtë të një instrumenti duke përdorur çmimin e listuar në një treg aktiv të këtij instrumenti. Një treg konsiderohet aktiv, nëse çmimet e listuara janë direkt dhe rregullisht të disponueshme dhe përfaqësojnë transaksione aktuale dhe të rregullta të tregut, të kryera në mënyrë të vullnetshme midis palëve të palidhura me njëra-tjetrën. Kur nuk ka çmim të listuar në një treg aktiv, Fondi përdor ato teknika vlerësimi të cilat maksimizojnë përdorimin e të dhënave përkatëse të verifikueshme dhe minimizojnë ato jo të verifikueshme. Teknika e zgjedhur e vlerësimit përfshin të gjithë faktorët, që pjesëmarrësit në treg do të marrin parasysh në përcaktimin e çmimit të një transaksioni.

Informacioni më i mirë për të përcaktuar vlerën e drejtë të një instrumenti financiar gjatë njohjes fillestare të tij është normalisht çmimi i transaksionit, p.sh. vlera e drejtë e shumëve së dhënë apo marrë. Nëse Fondi përcakton se vlera e drejtë në njohjen fillestare ndryshon nga çmimi i transaksionit dhe vlera e drejtë nuk përcaktohet, as me anë të një çmimi të listuar në një treg aktiv për një aktiv apo detyrim të njëjtë dhe as duke u bazuar në një teknikë vlerësimi që përdor të dhëna nga tregje të verifikueshme, instrumenti financiar fillimisht njihet me vlerën e drejtë, të rregulluar, për të shmangur diferencën midis vlerës së drejtë në njohje dhe çmimit të transaksionit. Më pas, kjo diferencë njihet në fitim/humbje mbi një bazë të përshtatshme përgjatë jetës së instrumentit, por jo më vonë se koha kur vlerësimi mbështetet plotësisht nga të dhëna të verifikueshme të tregut apo transaksioni është mbyllur.

Nëse një aktiv apo detyrim i matur me vlerën e drejtë, ka një çmim oferte dhe një çmim kërkesë, Fondi i mat aktivet dhe pozicionet e gjata me çmim oferte dhe detyrimet dhe pozicionet e shkurtra me çmim kërkesë.

Politika kontabël e matjes me vlerën e drejtë të Fondit është paraqitur në Shënimin 7.1.

Fondi mat vlerën e drejtë duke ndjekur renditjen e mëposhtme të vlerave të drejta që pasqyrojnë rëndësinë e të dhënave të përdorura gjatë matjeve:

- **Kategoria 1:** të dhëna që janë çmimet e tregut të listuara (të parregulluara), në një treg aktiv për instrumenta të njëjtë.
- **Kategoria 2:** të dhëna, të ndryshme nga çmimet e listuara në treg të përfshira në nivelin 1, të cilat janë të verifikueshme si drejtpërdrejt (si p.sh. çmimet) apo jo drejtpërdrejt (p.sh. të rrjedhura nga çmimet). Kjo kategori përfshin instrumentat e vlerësuar duke përdorur: çmimet e tregut të listuara në një treg aktiv të instrumentave të ngjashëm; çmimet e listuara të instrumentave të njëjtë ose të ngjashëm në tregje që konsiderohen më pak se aktiv; ose teknika të tjera vlerësimi ku të gjitha të dhënat e rëndësishme janë të verifikueshme drejtpërdrejt ose jo drejtpërdrejt me të dhënat e tregut.

## FONDI I NDËRHYRJES SË JASHTËZAKONSHME

Shënimet shpjeguese mbi pasqyrat financiare për vitin e mbyllur më 31 dhjetor 2018

(Të gjitha vlerat janë në Lek, përveç se kur shprehet ndryshe)

### 5. PËRMBLEDHJE E POLITIKAVE TË RËNDËSISHME KONTABËL (VAZHDIM)

#### 5.4 Aktivet dhe detyrimet financiare (vazhdim)

##### (iii) Identifikimi dhe matja e zhvlerësimit (vazhdim)

##### (vi) Matja e vlerës së drejtë (vazhdim)

- **Kategoria 3: të dhëna jo të verifikueshme.** Kjo kategori përfshin të gjithë instrumentet, në të cilat teknikat e vlerësimit përfshijnë të dhëna jo të bazuara në informacione të verifikueshme dhe ku të dhënat jo të verifikueshme kanë ndikim të rëndësishëm në vlerësimin e instrumentit. Kjo kategori përfshin instrumenta që vlerësohen në bazë të çmimeve të listuara për instrumenta të ngjashëm, që kërkojnë rregullime apo supozime të paverifikueshme, të rëndësishme për të pasqyruar diferencat midis instrumentave.

Vlerat e drejta të aktiveve dhe detyrimeve financiare, të tregtueshme në tregje aktive, bazohen në çmimet e tregut të listuara apo listimet e çmimeve nga ana e tregtuesit. Për të gjithë instrumentat e tjerë financiarë, Fondi përcakton vlerat e drejta duke përdorur teknika të tjera vlerësimi.

Teknika të tjera vlerësimi përfshijnë modelet e vlerës aktuale neto dhe të aktualizimit të flukseve të parasë dhe krahasime me instrumenta të ngjashëm për të cilat ekzistojnë çmime të verifikueshme të tregut.

Qëllimi i teknikave të vlerësimit është matja e një vlere të drejtë, e cila të reflektojë çmimin që do të ishte marrë në shitje të aktivit apo do të ishte paguar për transferimin e detyrimit, në një transaksion të rregullt midis pjesëmarrësve të tregut në datën e matjes.

Çmimet e verifikueshme dhe të dhënat e modelit janë zakonisht të disponueshme në tregjet e letrave me vlerë, derivativëve të tregtueshëm dhe derivativëve të thjeshtë mbi banak (jashtë bursave) si suop-et e normës së interesit. Disponueshmëria e çmimeve të verifikueshme të tregjeve dhe të dhënave të modelit ul nevojën e gjykimeve dhe vlerësimeve nga ana e Drejtimit dhe gjithashtu ul pasigurinë lidhur me përcaktimin e vlerave të drejta. Disponueshmëria e çmimeve dhe të dhënave të verifikueshme të tregjeve luhet në varësi të produkteve dhe tregjeve, si dhe priret të ndryshojë në bazë të kushteve të përgjithshme dhe ngjarjeve të caktuara në tregjet financiare.

Fondi njih transferimet midis kategorive në renditjen e vlerave të drejta në fund të periudhës së raportimit gjatë të cilës ka ndodhur ndryshimi.

#### 5.5 Mjetet monetare dhe ekuivalentët e tyre

Mjetet monetare dhe ekuivalentët e tyre përfshijnë llogaritë rrjedhëse me Bankën e Shqipërisë dhe depozitat shumë likuide në Bankën e Shqipërisë me afat maturimi 7 ditë, që janë të ekspozuara ndaj një rreziku të parëndësishëm të ndryshimeve në vlerën e drejtë dhe që përdoren nga Fondi në administrimin e aktivitetit të saj. Mjetet monetare dhe ekuivalentët e tyre mbahen me koston e amortizuar në pasqyrën e pozicionit financiar, e cila përafrohet me vlerën e drejtë për shkak të natyrës afatshkurtër të tyre.

#### 5.6 Investimet për të mbledhur flukset e kontraktuara

Një aktiv ose detyrim financiar, kur ky nuk përcaktohet si i matur me vlerë të drejtë përmes fitimit dhe humbjes, matet fillimisht me vlerën e drejtë, plus kostot e transaksionit që lidhen drejtpërdrejt me blerjen apo shitjen e tij. Aktivet financiare të Fondit klasifikohen si të mbajtura për të mbledhur flukset e kontraktuara sepse modeli i biznesit të Fondit është mbajtja e këtyre aktiveve financiare për të përfituar të ardhura kontraktuale dhe në marrëveshjen bazë të emetimit të aktivit të përcaktohet që flukset hyrëse/kthimet do të shlyhen në data të caktuara dhe janë vetëm pagesa të principalit dhe interesit të përlllogaritur mbi principalin e mbetur papaguar.

## **FONDI I NDËRHYRJES SË JASHTËZAKONSHME**

**Shënimet shpjeguese mbi pasqyrat financiare për vitin e mbyllur më 31 dhjetor 2018**

*(Të gjitha vlerat janë në Lek, përveç se kur shprehet ndryshe)*

### **5. PËRMBLEDHJE E POLITIKAVE TË RËNDËSISHME KONTABËL (VAZHDIM)**

#### **5.7 Provigjonet**

Një provigjon njihet nëse, si rezultat i një ngjarjeje të shkuar, Fondi ka një detyrim ligjor ose konstruktiv që mund të matet në mënyrë të besueshme dhe është e mundur që të kërkohet një dalje e përfitimeve ekonomike për të shlyer detyrimin.

### **6. MANAXHIMI I RREZIKUT FINANCIAR**

Gjatë rrjedhjes së zakonshme të veprimtarisë, Fondi është e ekspozuar ndaj një sërë rreziqesh financiare, ku më të rëndësishmit janë rreziku i tregut (ku përfshihet rreziku i monedhës, rreziku i ndryshimeve në vlerën e drejtë dhe në normat e interesit), rreziku kreditor dhe rreziku i likuiditetit. Administrimi i rrezikut në përgjithësi fokusohet në identifikimin e rreziqeve, që mund të ndikojnë në rezultatet dhe pozicionin financiar të Fondit, si dhe në minimizimin e efekteve negative potenciale që mund të vijnë nga këto rreziqe.

Rreziqet financiare aktualisht identifikohen, maten dhe kontrollohen përmes mekanizmave të ndryshme, të ndërmarra për të vlerësuar si duhet ngjarjet e tregut lidhur me investimet dhe mënyrat e mbajtjes së aktiveve likuide me qëllim parandalimin e përqendrimit të tepruar të rrezikut.

Administrimi i mjeteve financiare të Fondit rregullohen nga ligji 133/2016 “Për Rimëkëmbjen dhe Ndërrhyrjen e Jashtëzakonshme në Banka në Republikën e Shqipërisë” dhe Politikën e administrimit të mjeteve financiare të Fondit të Ndërrhyrjes së Jashtëzakonshme” (“Politika e Administrimit të FNJ”), e miratuar nga Autoriteti i Ndërrhyrjes së Jashtëzakonshme.

Politika e Administrimit të FNJ përcakton strukturën e portofolit të Fondit, kriteret për minimizimin e rreziqeve në administrim, dhe kushtet e procedurat për vendimmarrjen dhe zbatimin e administrimit të mjeteve financiare. Administrimi i mjeteve financiare të Fondit kryhet duke ndjekur këto parime: a) parimi i likuiditetit, sipas të cilit titujt në të cilët janë investuar mjetet financiare duhet të kthehen në lekë sa më shpejt dhe me kosto sa më të ulët; b) parimi i sigurisë, sipas të cilit investimet diversifikohen dhe mjetet financiare investohen në tituj të ndryshëm nga lloji dhe/ose maturimi dhe me rrezik kredie sa më të ulët; dhe c) parimi i normës së kthimit, sipas të cilit duhet të synohet që norma reale e kthimit nga instrumentet financiarë në të cilët janë investuar mjetet të jetë sa më e lartë.



## **FONDI I NDËRHYRJES SË JASHTËZAKONSHME**

**Shënimet shpjeguese mbi pasqyrat financiare për vitin e mbyllur më 31 dhjetor 2018**

*(Të gjitha vlerat janë në Lek, përveç se kur shprehet ndryshe)*

### **6. MANAXHIMI I RREZIKUT FINANCIAR (VAZHDIM)**

Për qëllime të administrimit, mjetet financiare organizohen në dy transhe. Transhi i likuiditetit shërben për mbulimin e nevojave në rastin e një ndërhyrje të jashtëzakonshme, ngjarjeje sigurimi të mundshme dhe nevojave për mbulimin e shpenzimeve për administrimin e FNJ. Ky transh përfshin gjendjen në llogaritë rrjedhëse, depozitat, si dhe titujt me maturitet të mbetur nga 0 - 3 muaj. Madhësia e këtij transhi në asnjë rast nuk mund të jetë më pak se 10% e totalit të mjeteve financiare për Fondin. Transhi i investimit përfaqëson mjetet financiare pasi zbritet transhi i likuiditetit. Ky transh përfshin titujt me maturitet të mbetur deri në 10 vjet. Titujt me maturitet të mbetur mbi 2 vjet nuk mund të kenë një vlerë më të madhe se 30% e totalit të mjeteve financiare të Fondit. Me qëllim minimizimin e rreziqeve, transhi i investimit duhet të synojë një shpërndarje të shkallëzuar të maturiteteve. Kalimi nga ky transh në transhin e likuiditetit kryhet në përputhje me nevojat e Autoritetit të Ndërhyrjes së Jashtëzakonshme për mjete likuide. Madhësitë e transheve të likuiditetit dhe të investimit përcaktohen nga Komiteti i Investimeve me synimin për të arritur një shpërndarje të shkallëzuar të maturiteteve. Autoritetit të Ndërhyrjes së Jashtëzakonshme njofton menjëherë Agjencinë për përshtatjen e shpërndarjes në transhe sipas nevojave të saj ose ndërprerjen e veprimtarisë investuese në rastet e nevojës për likuiditet apo nevojave të tjera urgjente, në zbatim të ligjit 133/2016 “Për Rimëkëmbjen dhe Ndërhyrjen e Jashtëzakonshme në Banka, në Republikën e Shqipërisë”. Instrumentat financiar të lejuar rregullohen nga ligji 133/2016 “Për Rimëkëmbjen dhe Ndërhyrjen e Jashtëzakonshme në Banka në Republikën e Shqipërisë” dhe Politika e administrimit të mjeteve financiare të Fondit të Ndërhyrjes së Jashtëzakonshme” (“Politika e Administrimit të FNJ”)

Sipas këtyre akteve mjetet financiare investohen në tituj të emtuar nga qeveri ose banka qendrore të huaja të vlerësuara si të sigurta nga agjenci të njohura të vlerësimit të kreditit (vlerësim jo më të ulët se AA-/Aa3) ose tituj të emtuar nga Qeveria e Shqipërisë ose Banka e Shqipërisë. Gjithashtu mjetet financiare mund të vendosen në depozita afatshkurtra/llogari rrjedhëse në Bankën e Shqipërisë ose institucione financiare ndërkombëtare të vlerësuara si të sigurta nga agjenci të njohura të vlerësimit të kreditit (vlerësim jo më të ulët se AA-/Aa3).

Me qëllim administrimin e rrezikut ndaj monedhës dhe luhatjeve në kursin e këmbimit, mjetet financiare të Fondit mbahen në lek dhe monedhë të huaj. Monedhat e huaja të lejuara janë dollar Amerikan dhe Euro. Pesha e secilës monedhë përcaktohet në strategjinë vjetore të investimit të mjeteve financiare. Mjetet financiare në monedhë të huaj për Fondin nuk duhet të jenë më pak se 5% e totalit të mjeteve financiare të këtij fondi.

Gjithashtu, me qëllim garantimin e aftësisë për të përmbushur detyrimet në rast të një ndërhyrjeje të jashtëzakonshme, me kërkesë të Autoritetit të Ndërhyrjes së Jashtëzakonshme, burimet dhe mjetet financiare mund të plotësohen nëpërmjet huasë nga Buxheti i Shtetit në përputhje me legjislacionin në fuqi.

## FONDI I NDËRHYRJES SË JASHTËZAKONSHME

Shënimet shpjeguese mbi pasqyrat financiare për vitin e mbyllur më 31 dhjetor 2018

(Të gjitha vlerat janë në Lek, përveç se kur shprehet ndryshe)

### 6. MANAXHIMI I RREZIKUT FINANCIAR (VAZHDIM)

#### 6.1 Rreziku kreditor

Rreziku kreditor është rreziku i humbjes financiare i shkaktuar Fondit nëse pala tjetër në një instrument financiar dështon në përmbushjen e detyrimeve kontraktuale dhe vjen kryesisht nga investimet në letra me vlerë të Fondit dhe gjendjeve të llogarive në Bankën e Shqipërisë. Për qëllime raportimi lidhur me administrimin e rrezikut, Fondi merr parasysh dhe përfshin të gjithë elementët e ekspozimit ndaj rrezikut kreditor, siç janë rreziku i dështimit të debitorëve individualë dhe rreziku i shtetit.

Komiteti i Investimeve është struktura përgjegjëse për mbikqyrjen e rrezikut kreditor, përfshirë rishikimin dhe vlerësimin e rrezikut kreditor, si dhe garantimin e përputhshmërisë me kufijtë e vendosur në lidhje me ekspozimin ndaj palëve të treta/shteteve dhe me politikën e tjera përkatëse të përcaktuara në aktet nënligjore.

Tabela më poshtë paraqet ekspozimin ndaj rrezikut kreditor sipas palëve të treta (shteteve) dhe vonesat në ripagim apo zhvlerësimet e lidhura me to, nëse ka:

Investimet në letra me vlerë	Qeveria e Shqipërisë	Totali
<i>Më 31 dhjetor 2018</i>		
Jo me vonesë apo të zhvlerësuara	571,698,800	571,698,800
<b>Totali</b>	<b>571,698,800</b>	<b>571,698,800</b>
Mjetet monetare dhe ekuivalentët e tyre	Banka e Shqipërisë	Totali
<i>Më 31 dhjetor 2018</i>		
Jo me vonesë apo të zhvlerësuara	31,840,942	31,840,942
Jo me vonesë por të zhvlerësuar sipas kerkesave të SNRF 9	34,450,300	34,450,300
<b>Totali</b>	<b>66,291,242</b>	<b>66,291,242</b>

## FONDI I NDËRHYRJES SË JASHTËZAKONSHME

Shënimet shpjeguese mbi pasqyrat financiare për vitin e mbyllur më 31 dhjetor 2018

(Të gjitha vlerat janë në Lek, përveç se kur shprehet ndryshe)

### 6. MANAXHIMI I RREZIKUT FINANCIAR (VAZHDIM).

#### 6.1 Rreziku i kreditor (vazhdim)

	2018			Totali
	Hapat sipas Hapi 1	Humbjes së Hapi 2	Pritshme nga Kredite Hapi 3	
Investimet në letra me vlerë	571,698,800	-	-	571,698,800
Mjetet monetare dhe ekuivalentët e tyre	66,291,242	-	-	66,291,242
Vlera bruto	637,990,042	-	-	637,990,042
Provizionet	(107,300)	-	-	(107,300)
Vlera kontabel, neto	637,882,742	-	-	637,882,742

Fondi nuk ka angazhime financiare të kushtëzuara më 31 dhjetor 2018.

Fondi përdor klasifikimet e rrezikut kreditor për aktivet dhe detyrimet financiare të publikuara nga njesitë nderkombetare për percaktimin e probabilitetit të mos shlyerjes si mëposhtë:

Klasifikimi sipas S&P  
B+

Probabiliteti mos shlyerjes  
0.69%

#### 6.2 Rreziku i tregut

Rreziku i tregut është rreziku ndryshimit të çmimit të tregut të aktiveve, si rezultat i një ndryshimi të normave të interesit, kurseve të këmbimit dhe marzhet në interesat e kredisë (jo lidhur me ndryshimet në cilësinë e kreditimit të emetuesit/debitorit), të cilët do të ndikojnë në të ardhurat e Fondit ose vlerën e instrumenteve financiare të zotëruar prej saj. Qëllimi i Fondit në administrimin e rrezikut të tregut është drejtimi dhe kontrolli mbi ekspozimet ndaj rrezikut të tregut brenda parametrave të pranueshëm, me qëllim sigurimin e aftësisë paguese të Fondit duke optimizuar kthimin ndaj rrezikut.

(i) *Ekspozimi ndaj rrezikut të normës së interesit - investimet e mbajtura për të mbledhur flukse kontraktuale*

Rreziku kryesor, ndaj të cilit janë ekspozuar portofolet jo-të-tregtueshme, është rreziku i humbjeve nga luhatjet e flukseve të ardhshme të parasë të instrumentave financiare ose vlerave të drejta të tyre, për shkak të një ndryshimi në normat e interesit në treg. Rreziku i normës së interesit administrohet kryesisht duke monitoruar ekspozimin neto në instrumentet financiare që mbartin interes dhe duke miratuar paraprakisht kufijtë për këto ekspozime. Komiteti i Investimeve është organi mbikqyrës i përputhshmërisë me këto kufij.

**FONDI I NDËRHYRJES SË JASHTËZAKONSHME**

Shënimet shpjeguese mbi pasqyrat financiare për vitin e mbyllur më 31 dhjetor 2018

*(Të gjitha vlerat janë në Lek, përveç se kur shprehet ndryshe)***6. MANAXHIMI I RREZIKUT FINANCIAR (VAZHDIM)****6.2 Rrezika i tregut (vazhdim)***(ii) Ekspozimi ndaj rrezikut të normës së interesit - investimet të mbajtura për të mblidhur flukset kontraktuale (vazhdim)*

Një përmbledhje e pozicionit neto të Fondit në portofolet jo-të-tregtueshme paraqitet si më poshtë:

<b>Që nga data e krijimit (1 janar 2018 ) deri më 31 dhjetor 2018</b>	<b>Vlera kontabël neto</b>	<b>deri në 1 muaj</b>	<b>1 - 3 muaj</b>	<b>3 - 6 muaj</b>	<b>6 - 12 muaj</b>	<b>12 - 24 muaj</b>
Mjetet monetare dhe ekuivalentet e tyre	66,291,242	66,291,242	-	-	-	-
Investime të mbajtura për të mblidhur flukse kontraktuale	571,698,800	-	142,210,164	-	148,488,636	281,000,000
<b>TOTALI</b>	<b>637,990,042</b>	<b>66,291,242</b>	<b>142,210,164</b>	<b>-</b>	<b>148,488,636</b>	<b>281,000,000</b>

## FONDI I NDËRHYRJES SË JASHTËZAKONSHME

Shënimet shpjeguese mbi pasqyrat financiare për vitin e mbyllur më 31 dhjetor 2018

(Të gjitha vlerat janë në Lek, përveç se kur shprehet ndryshe)

### 6. MANAXHIMI I RREZIKUT FINANCIAR (VAZHDIM)

#### 6.2 Rreziku i tregut (vazhdim)

(i) *Ekspozimi ndaj rrezikut të normës së interesit - investimet të mbajtura për të mbledhur flukse kontraktuale (vazhdim)*

Drejtimi mori parasysh një skenar standart që përfshin një ulje ose rritje paralele prej 100 pikësh bazë (bp) në të gjitha kurbat e normave të interesit në botë. Një analizë e ndjeshmërisë së Fondit ndaj një rritjeje apo uljeje në normat e interesit të tregut paraqitet më poshtë:

Ndryshimi në normë	Më 31 dhjetor 2018
+100bp	6,379,900
-100bp	(6,379,900)

(ii) *Ekspozimi ndaj rrezikut të kursit të këmbimit*

Rreziku i monedhës përkufizohet, si rreziku që luhet në kurset e këmbimit të shkaktojnë ndryshime të rëndësishme, pozitive ose negative, në pasqyrën e pozicionit financiar. Fondi është kryesisht i ekspozuar ndaj rrezikut të ndryshimeve në kursin e këmbimit të EURO ndaj LEK-ut. Ekspozimet aktuale dhe kufizimet lidhur me to vendosen dhe monitorohen në përputhje me Politikën e Administrimit të Mjeteve Financiare të Fondit.

Një përmbledhje e ekspozimit neto ndaj monedhës paraqitet më poshtë (vlerat në LEK):

Më 31 dhjetor 2018	LEK	EUR
<b>AKTIVET</b>		
Mjetet monetare dhe ekuivalentët e tyre	31,840,942	34,450,300
Investime të mbajtura për të mbledhur flukse të kontraktuara	571,698,800	-
<b>TOTALI</b>	<b>603,539,742</b>	<b>34,450,300</b>
<b>DETYRIMET</b>		
Detyrime të tjera	(1,314,609)	-
<b>TOTALI I DETYRIMEVE</b>	<b>(1,314,609)</b>	<b>-</b>
<b>EKSPOZIMI NETO NDAJ KURSIT TË KËMBIMIT</b>	<b>602,225,133</b>	<b>34,450,300</b>

## FONDI I NDËRHYRJES SË JASHTËZAKONSHME

Shënime shpjeguese mbi pasqyrat financiare për vitin e mbyllur më 31 dhjetor 2018

(Të gjitha vlerat janë në Lek, përveç se kur shprehet ndryshe)

### 6. MANAXHIMI I RREZIKUT FINANCIAR (VAZHDIM)

#### 6.2 Rreziku i tregut (vazhdim)

##### (ii) Ekspozimi ndaj rrezikut të kursit të këmbimit (vazhdim)

*Analiza e ndjeshmërisë ndaj monedhës së huaj*

Tabela më poshtë paraqet ndjeshmërinë ndaj një rritje/rënie me 1,500 pikë bazë në kurset e këmbimit të LEK-ut ndaj EURO në datën e raportimit bazuar në strukturën e aktiveve dhe detyrimeve në monedhë të huaj të Fondit më 31 dhjetor, duke supozuar se të gjithë variablat e tjerë mbeten të pandryshuar. Efekti është matur dhe paraqitur si një ndikim në rezultat dhe direkt në aktivet neto, duke mbajtur të pandryshuara kushtet e tjera.

	EURO	
	+15%	-15%
Më 31 dhjetor 2018	5,167,545	(5,167,545)

Me një rritje prej 15 përqind në kursin e këmbimit të EUR ndaj LEK-ut në datën e raportimit, ndikimi i përgjithshëm në rezultatin financiar dhe aktivet neto të Fondit do të ishte një rritje me vlerë si në tabelën e mësipërme.

Me një ulje prej 15 përqind në kursin e këmbimit të EUR ndaj LEK-ut në datën e raportimit, ndikimi i përgjithshëm në rezultatin financiar dhe aktivet neto të Fondit do të ishte i njëjtë, por në drejtim të kundërt me ndikimin e rritjes së përshkruar më sipër.

## FONDI I NDËRRHYRJES SË JASHTËZAKONSHME

Shënimet shpjeguese mbi pasqyrat financiare për vitin e mbyllur më 31 dhjetor 2018

(Të gjitha vlerat janë në Lek, përveç se kur shprehet ndryshe)

### 6. MENAXHIMI I RREZIKUT FINANCIAR (VAZHDIM)

#### 6.3 Rreziku i likuiditetit (vazhdim)

Rreziku i likuiditetit është rreziku që Fondi do të hasë vështirësi në përmbushjen e obligimeve të lidhura me detyrimet e saj financiare që shlyhen duke dhënë para apo një aktiv tjetër financiar. Politika e administrimit të likuiditetit të Fondit është konservatore, duke mbajtur një rezervë optimale e të qendrueshme mjetesish monetare dhe burimesh shtese financiare për të siguruar kapacitetin e duhur për financimin e aktiviteve të saj. Për më shumë informacion mbi Politikën e administrimit të mjeteve financiare të Fondit dhe burimeve shtesë financiare referohuni në fillim të shënimit 6.

Tabela më poshtë paraqet instrumentat financiarë të Fondit të klasifikuara sipas periudhës së mbetur për të mbledhur flukse kontraktuale në bazë të flukseve të parave kontraktuale të aktualizuara. Drejtimi ka vlerësuar që vlerat e aktualizuara përafrojnë vlerën e tyre kontabël neto.

Që nga data e krijimit (1 janar 2018) deri më 31 dhjetor 2018	Vlera kontabël neto	deri në 1 muaj	1 - 3 muaj	3 - 6 muaj	6 - 12 muaj	12 - 24 muaj	Flukset totale kontraktuale të parase
<b>AKTIVET</b>							
Mjetet monetare dhe ekuivalentët e tyre	66,291,242	66,291,242	-	-	-	-	66,291,242
Investime të mbajtura për të mbledhur flukse të kontraktuara	571,698,800	-	142,210,164	-	148,488,636	281,000,000	571,698,800
<b>TOTALI</b>	<b>637,990,042</b>	<b>66,291,242</b>	<b>142,210,164</b>	<b>-</b>	<b>148,488,636</b>	<b>281,000,000</b>	<b>637,990,042</b>
<b>DETYRIMET</b>							
Detyrime të tjera	(1,314,609)	-	(1,314,609)	-	-	-	(1,314,609)
<b>TOTALI</b>	<b>(1,314,609)</b>	<b>-</b>	<b>(1,314,609)</b>	<b>-</b>	<b>-</b>	<b>-</b>	<b>(1,314,609)</b>
<b>HENDEKU KUMULATIV I LIKUDDITETIT</b>	<b>636,675,433</b>	<b>66,291,242</b>	<b>140,895,555</b>	<b>-</b>	<b>148,488,636</b>	<b>281,000,000</b>	<b>636,675,433</b>

## FONDI I NDËRHYRJES SË JASHTËZAKONSHME

Shënimet shpjeguese mbi pasqyrat financiare për vitin e mbyllur më 31 dhjetor 2018

(Të gjitha vlerat janë në Lek, përveç se kur shprehet ndryshe)

### 7. PËRDORIMI I VLERËSIMEVE DHE GJYKIMEVE

Përgatitja e pasqyrave financiare në përputhje me SNRF kërkon që Drejtimi të bëjë gjykime, vlerësime dhe supozime që ndikojnë në zbatueshmërinë e politikave kontabël dhe vlerave të raportuara të aktiveve, detyrimeve, të ardhurave dhe shpenzimeve. Rezultatet aktuale mund të ndryshojnë nga ato të vlerësuara.

Vlerësimet dhe supozimet bazë rishikohen në vazhdimësi. Rishikimet e vlerësimeve kontabël njihen në periudhën, në të cilën këto vlerësime janë rishikuar dhe në çdo periudhë të ardhshme të ndikuar nga këto rishikime.

Drejtimi diskuton me Këshillin Drejtues të Fondit zhvillimin, përzgjedhjen dhe paraqitjen e politikave kontabël të rëndësishme dhe zbatueshmërinë e tyre dhe supozimet e bëra lidhur me pasiguritë kryesore në vlerësim. Informacionet mbi supozimet dhe pasiguritë në vlerësim, që kanë një rrezik të rëndësishëm që të rezultojnë në korrigjim material në vitin e ardhshëm financiar, dhe informacione mbi gjykime të rëndësishme gjatë zbatimit të politikave kontabël, që kanë ndikimin më të rëndësishëm në vlerat e njohura në pasqyrat financiare, janë paraqitur më poshtë.

Drejtimi mori parasysh një skenar standart që përfshin një ulje ose rritje paralele prej 10% në treguesin e probabilitetit e mos shlyerjes (PMS) dhe treguesin e humbjes së mundshme nga kredia (HMK). Një analizë e ndjeshmërisë së humbjeve të mundshme nga kredia të Fondit ndaj një rritjeje apo uljeje në treguesit e matjes së humbjes paraqitet më poshtë:

	PMS	
	+10%	-10%
Provigjoni më 31 dhjetor 2018 për mjetet monetare	10,730	(10,730)

Këto pasqyra plotësojnë shënimet mbi menaxhimin e rrezikut financiar (shiko Shënimin 6).



## FONDI I NDËRHYRJES SË JASHTËZAKONSHME

Shënimet shpjeguese mbi pasqyrrat financiare për vitin e mbylltur më 31 dhjetor 2018

(Të gjitha vlerat janë në Lek, përveç se kur shprehet ndryshe)

### 7. PËRDORIMI I VLERËSIMEVE DHE GJYKIMEVE (VAZHDIM)

#### 7.1 Vlerësimi i instrumenteve financiare

Klasifikimet kontabël dhe vlerat e drejta të instrumentave financiare janë të paraqitura më poshtë:

Që nga data e krijimit (1 janar 2018 ) deri më 31 dhjetor 2018	Aktive financiare me kosto të amortizuar	Investime në instrumente borxhi përmes të ardhurave të tjera gjithëpërfshirëse (VDNTGJ)	Aktive financiare të detyruara për tu matur me vlerë të drejtë përmes të ardhurave dhe shpenzimeve (VDNASH)	Aktive financiare	
				Të tjera me koston e amortizuar	Vlera kontabël neto
Mjetet monetare dhe ekuivalentët e tyre	66,291,242	-	-	66,291,242	66,291,242
Investime të mbajtura për të mbledhur flukse kontraktuale	571,698,800	-	-	571,698,800	563,887,055
<b>TOTALI</b>	<b>637,990,042</b>	-	-	<b>637,990,042</b>	<b>630,178,297</b>
<b>DETYRIMET</b>					
Detyrime të tjera	-	-	(1,314,609)	-	(1,314,609)
<b>TOTALI</b>	-	-	<b>(1,314,609)</b>	-	<b>(1,314,609)</b>

Për shkak të afatit të shkurtër të maturimit, Drejtimi vlerëson se vlerat e drejta të mjeteve monetare dhe ekuivalentëve të tyre, dhe detyrimet e tjera janë të njëjta me vlerat kontabël neto më 31 dhjetor 2018. Drejtimi vlerëson vlerën e drejtë të investimeve të mbajtura për të mbledhur flukse të kontraktuara në letra me vlerë, duke përdorur normat e verifikueshme të tregut (kategoria 2) për letra me vlerë të ngjashme me afat të ngjashëm maturimi, bazuar në afatin e mbetur për të mbledhur flukse të kontraktuara më 31 dhjetor 2018.

## FONDI I NDËRHYRJES SË JASHTËZAKONSHME

Shënimet shpjeguese mbi pasqyrat financiare për vitin e mbyllur më 31 dhjetor 2018

(Të gjitha vlerat janë në Lek, përveç se kur shprehet ndryshe)

### 8. MJETET MONETARE DHE EKVIVALENTET E TYRE

Mjetet monetare dhe ekuivalentet e tyre më 31 dhjetor 2018 janë detajuar si më poshtë:

31 dhjetor 2018

#### Gjendjet në banka

Depozitat afatshkurtra në Bankën e Shqipërisë (7 ditore)	31,840,000
Llogaritë rrjedhëse në Bankën e Shqipërisë	34,558,542
Zbritur provigjoni për llogaritë bankare në monedhe të huaj	(107,300)
<b>Totali</b>	<b>66,291,242</b>

Në "Politikën e administrimit të mjeteve financiare të Fondit të Ndërhyrjes së Jashtëzakonshme", e miratuar në 10 janar 2018 nga Autoriteti i Ndërhyrjes së Jashtëzakonshme, kërkon që transhi i likuiditetit në asnjë rast nuk mund të jetë më pak se 10% e totalit të mjeteve financiare. Ky transh përfshin gjendjen në llogaritë rrjedhëse, depozitat, si dhe titujt me maturitet të mbetur nga 0 - 3 muaj (shih dhe shënimin 9). Depozitat e vendosura në Bankën e Shqipërisë investohen në zbatim të VKM nr.39 të BSH datë 18 korrik 2007, me maturitet 7 ditor dhe normë kthimi 10bp më pak se norma bazë e interesit.

Fondi vlerëson rrezikun kreditor për llogaritë bankare në monedhë të huaj pranë Bankës së Shqipërisë dhe ka llogaritur humbjet e pritshme nga kredia sipas modelit të ndërtuar për implementimin e SNRF9, duke përdorur probabilitetin e mos shlyerjes, ekspozimin ndaj humbjes dhe mundësitë e humbjes. Më 31 dhjetor 2018, levizja e provigjionit të njohur për llogaritë bankare në monedhë të huaj pranë Bankës së Shqipërisë jepet në vijim:

	2018
Teprica në 1 janar	-
Shpenzime provigjoni njohur gjatë vitit	107,300
Rimarrje provigjoni gjatë vitit	-
<b>Teprica mbyllëse më 31 dhjetor</b>	<b>107,300</b>

## FONDI I NDËRHYRJES SË JASHTËZAKONSHME

Shënimet shpjeguese mbi pasqyrat financiare për vitin e mbyllur më 31 dhjetor 2018

(Të gjitha vlerat janë në Lek, përveç se kur shprehet ndryshe)

### 9. INVESTIMET -TË MBAJTURA PER TË MBLEDHUR FLUKSE TË KONTRAKTUARA

Letrat me vlerë sipas vlerës së tyre kontraktuale paraqiten si më poshtë:

	31 dhjetor 2018
Letra me Vlerë të QSH në vlerë nominale	573,000,000
Interes i përlogaritur për obligacionet e QSH	963,442
E ardhur e marrë në avancë nga BTH	(2,264,642)
<b>Totali</b>	<b>571,698,800</b>

#### 9.1 Letrat me vlerë të Qeverisë Shqiptare

Investime në letra me vlerë të Qeverisë Shqiptare janë të detajuara si më poshtë:

	31 dhjetor 2018
Letra me Vlerë në LEK	571,698,800
Letra me Vlerë në EUR	-
<b>Totali</b>	<b>571,698,800</b>

*Klasifikimi sipas Moody's*

Qeveria e Shqipërisë B+

**Totali**

31 dhjetor 2018

571,698,800

**571,698,800**

Letrat me vlerë sipas afatit kontraktual të maturimit paraqiten si më poshtë:

	31 dhjetor 2018	Norma mesatare e ponderuar
<i>LVL në LEK</i>		
12 muaj	289,735,358	2.012%
24 muaj	281,963,442	2.580%
<b>Totali</b>	<b>571,698,800</b>	

Fondi vlerëson rrezikun kreditor dhe humbjet e pritshme duke përdorur probabilitetin e mos shlyerjes, ekspozimin ndaj humbjes dhe mundësinë e humbjes. Drejtimi i Fondit konsideron analiza historike si edhe informacion për të ardhmen për të vlerësuar ndonjë humbje të pritshme. Më 31 dhjetor 2018, të gjitha letrat me vlerë që Fondi zotëron janë të Qeverisë Shqiptare. Fondi vlerëson që për letrat me vlerë në LEK të QSH rreziku i kreditit është pothuajse zero, dhe rrjedhimisht provigjioni përkatës jo material për përdoruesit e informacionit financiar. Drejtimi ka përlogaritur por nuk ka njohur asnjë provigjion për këto letra me vlerë në këto pasqyra financiare.

## FONDI I NDËRHYRJES SË JASHTËZAKONSHME

Shënimet shpjeguese mbi pasqyrat financiare për vitin e mbyllur më 31 dhjetor 2018

(Të gjitha vlerat janë në Lek, përveç se kur shprehet ndryshe)

### 10. DETYRIME TË TJERA

31 dhjetor 2018

Detyrime ndaj Agjencisë për tarifën e administrimit	1,064,425
Të ardhura të marra në avancë nga kontributi vjetor	250,184
	<b>1,314,609</b>

Detyrimet ndaj Agjencisë për tarifën e administrimit lidhet me shumën që Fondi do t'i rimbursojë Agjencisë së Sigurimit të Depozitave për kostot direkte dhe indirekte që lidhen me administrimin e Fondit për vitin 2018. Kjo shumë përbëhet nga shpenzime direkte për auditimin e jashtëm të Fondit dhe për rimbursimin e kostove indirekte (shënimi 15)

Të ardhura të marra në avancë nga kontributi vjetor lidhet me shumën e paguar më tepër të kontributit vjetor për vitin e parë, nga një bankë e sektorit bankar. Kjo shumë do të zbritet nga kontributi vjetor i pagueshëm për vitin e dytë.

### 11. TË ARDHURA NGA KONTRIBUTI VJETOR

Për vitin e mbyllur më 31 dhjetor 2018, të ardhurat nga kontributi vjetor i bankave për Fondin e Ndërhyrjes së Jashtëzakonshme ishin në shumën 632,174,459 Lek.

Për vitin e parë mbështetur në Ligjin 133/2016 " Për Rimëkëmbjen dhe Ndërhyrjen e Jashtëzakonshme në Banka, në Republikën e Shqipërisë " dhe rregulloren nr.56 datë 03.10.2017 "Mbi Fondin e Ndërhyrjes së Jashtëzakonshme dhe procedurave për administrimin e tij", niveli i synuar , madhësia e Fondit në vitin e parë dhe kontributi vjetor për secilën bankë është mbështetur në pasqyra financiare për vitin 2016. Fondi duhet të plotësohet gradualisht dhe të arrijë nivelin 0.5% të detyrimeve të të gjitha bankave, brenda datës 11 korrik të vitit 2027.

Mbështetur në përlogaritjet e kryera nga Autoriteti i Ndërhyrjes së Jashtëzakonshme, kontributi vjetor i bankave për vitin e parë, ishte 632,174,459 Lek.

### 12. TË ARDHURAT NGA INTERESAT

Të ardhurat nga interesat për vitin e mbyllur më 31 dhjetor 2018 janë krijuar nga aktivitetet e mëposhtme:

	Që nga data e krijimit (1 janar 2018 ) deri më 31 dhjetor 2018
Të ardhura nga investimet në Bono Thesari (BTH)	3,653,979
Të ardhura nga investimet në Obligacione	3,138,442
Depozita afatshkurtra në Bankën e Shqipërisë	1,644,967
<b>Totali</b>	<b>8,437,388</b>

## FONDI I NDËRHYRJES SË JASHTËZAKONSHME

Shënimet shpjeguese mbi pasqyrat financiare për vitin e mbyllur më 31 dhjetor 2018

(Të gjitha vlerat janë në Lek, përveç se kur shprehet ndryshe)

### 13. TË ARDHURAT TË TJERA

Që nga data e krijimit (1 janar  
2018 ) deri më 31 dhjetor 2018

Të ardhura nga penalitete	5,712
<b>Totali</b>	<b>5,712</b>

Fondi ka siguruar të ardhura nga penalitete për pagesën me vonesë nga dy banka, të kontributit vjetor të Fondit të Ndërhyrjes së Jashtëzakonshme. Në zbatim të ligjit 133/2016 "Për Rimëkëmbjen dhe Ndërhyrjen e Jashtëzakonshme në Banka, në Republikën e Shqipërisë", banka paguan interesa të barabartë me kredinë për mbështetje me likuiditet të Bankës së Shqipërisë, për periudhën deri në pagimin e kontributit.

### 14. TARIFA DHE KOMISIONE BANKARE

Që nga data e krijimit (1 janar  
2018 ) deri më 31 dhjetor 2018

Komisioni për mirëmbajtje të llogarisë së titujve AFISaR	500,000
<b>Totali</b>	<b>500,000</b>

### 15. SHPENZIME TË TJERA OPERATIVE

Në zbatim të nenit 16, të Rregullores "Për Fondin e Ndërhyrjes së Jashtëzakonshme dhe Procedurat për Administrimin e tij" miratuar me VKM nr. 56 datë 03.10.2017, Fondi duhet t'i paguajë Agjencisë një pagesë vjetore për rimbursimin e kostove për administrimin e mjeteve financiare të Fondit.

Rimbursimi përfshin kosto direkte dhe kosto indirekte. Kostot direkte përfshijnë shpenzimet e komisioneve bankare dhe shpenzime konsulence, ndërsa kostot indirekte lidhen me koston e personelit të Agjencisë të përfshirë në procesin e administrimit të fondit në shumën 632,425 lekë.

## FONDI I NDËRHYRJES SË JASHTËZAKONSHME

Shënimet shpjeguese mbi pasqyrat financiare për vitin e mbyllur më 31 dhjetor 2018

(Të gjitha vlerat janë në Lek, përveç se kur shprehet ndryshe)

### 16. MARRËDHENIET DHE TRANSAKSIONET ME INSTITUCIONET, ORGANET DHE NDËRMARRJET SHTETËRORE

Agjencia e Sigurimit të Depozitave, Banka e Shqipërisë dhe Ministria e Financave janë institucionet shtetërore, me të cilat Fondi ka ndërtuar marrëdhënie të rregullta në bazë të statusit dhe funksioneve të tij ligjore dhe në përputhje me kërkesat ligjore përkatëse (shih dhe Shënimin 6).

Fondi drejtohet nga Këshilli Drejtues i Agjencisë, anëtarët e të cilit emërohen në përputhje me ligjin "Për sigurimin e depozitave" (Shënimi 2).

Aktivitet Financiare të Fondit janë investuar në instrumenta borxhi të emetuara nga Qeveria Shqiptare ose vendosur në depozita afatshkurtra apo llogari rrjedhëse në Bankën e Shqipërisë (Shënimet 8 dhe 9). Investimet në letra me vlerë janë blerë vetëm në tregun primar përmes pjesëmarrjes në ankande.

Një përmbledhje e veprimeve me palët e lidhura është si në vijim:

Pasqyra e Pozicionit Financiar	31 dhjetor 2018
<b>Aktivitet</b>	
Llogaritë rrjedhëse në Bankën e Shqipërisë (shënimi 8)	34,558,542
Depozitat afatshkurtra në Bankën e Shqipërisë (shënimi 8)	31,840,000
Investime në letra me vlerë të Qeverisë Shqiptare (shënimi 9.1)	571,698,800
Detyrime ndaj Agjencisë (shënimi 10)	(1,064,425)
	<u>637,032,917</u>

Pasqyra e të Ardhurave dhe Shpenzimeve	Që nga data e krijimit (1 janar 2018 ) deri më 31 dhjetor 2018
<b>Aktivitet</b>	
Të ardhura nga letrat me vlerë të Qeverisë Shqiptare (shënimi 12)	6,792,421
Të ardhura nga depozitat afatshkurtra në Bankën e Shqipërisë (shënimi 12)	1,644,967
Shpenzime për tarifën e administrimit (shënimi 15)	(632,425)
Komisioni për mirëmbajtje të llogarisë së titujve AFISaR (shënimi 14)	(500,000)
	<u>7,304,963</u>

### 17. ANGAZHIME DHE GARANCI

Gjatë rrjedhës normale të aktivitetit, Fondi nuk është përfshirë në veprime ligjore të cilat mund të kenë efekt mbi pozicionin financiar të Fondit, ose mund të sjellin ndryshime në aktive.

### 18. NGJARJET PAS DATËS SË RAPORTIMIT

Nuk ka ngjarje të ndodhura pas datës së raportimit financiar që mund të kërkojnë rregullim apo shpalesje të tjera kontabël në këto pasqyra financiare.